



~~15.744~~

We. 2112.

08449W



sidr0014310

Biblioteka Jagiellońska

Ad.: We 2112.

Gerschreckliche / greuliche

und vnerhorte Tyranny Iwan Basilowis /
jho regierenden Großfürsten in Muscow / so er vorrückter Jar
an seinen Blutsuervanten Freunden / Vnderfürsten / Baioaren und ge-
meinem Landvolck vn menschlicher weise / wider Gott und Recht erberm-
lich geübet. Den jenigen / welche seines theils / vnd sich böser mei-
nung an jhnen zubegeben willens / zur warnung
in druck verfertiget.



Anno M. D. LXXXII.

Faint, mostly illegible handwritten text in a historical script, possibly Gothic or a similar early modern hand.



Faint handwritten text at the bottom of the page, possibly a date or reference number.

Dem Durchleuchtigen
hochgebornen Fürsten vnd Herrn/
Herrn Christiano Herzogen zu Sachsen/
Landgrauen in Düringen / vnd
Marggrauen zu Meissen /
meinem gnedigen Für-
sten vnd Herrn.

Durchleuchtiger Hochgebor-
ner Fürst / E. S. G. sendt meine
vorpflichte schuldige vnd gehorsam
me dienste vndertheniges vleisses
Zuuer. Gnediger Herr / Als auff
vorgehende / des Churfürsten zu Sassen etc.
vnd Burggraffen zu Magdeburg / E. S. G.
Herrn Battern/meines gnedigsten Herrn/erlaub-
liche nachlassung / ich vorgangenes Winters / in
meinen geschefften nach Littauen vorreiset / vnd
meinen heim oder widdersweg durch Samogitten
genommen / in dem / bey einem Herrn derselbigen
Land eingekeret / vnd vnter andern von ihme ver-
nommen / das er sechs Jahr in Ketten vnd Ban-
den / vnd sieben Jahr auff freiem Fus / in der
Muscow gefenglich gehalten / vnd in solchen drey-
A ij zehen

zehen Jahren allerhandt vnmenschliches wüten
vnd Tyrannisiren / so der iho regierende Groß-
fürst Iwan Basilowitz an seinen eigenen Bluts-
vortanten freunden / Vnterfürsten / Batoaren
vnd Landtuolck gelübet / anschawen / ja selbst mit
höchster leibesgefahr austreten vnd gewarten
müssen / vnd mir solches alles mit mehrern vmb-
stenden / nicht allein zuerzelen / sondern auch wie er
die nahmen auff seine sprach vorzeichnet / zu lesen
vntergeben / kein schew oder bedencken getragen /
hab ich solches / so viel ich domaln in eil behalten
mügen / auff's Papier rapiret / vnd zum gedecht-
nis mit mir anhero genommen. Vnd nach dem
ich vor weniger zeit solche Charten einem verstein-
digen vnd ehrlichen Man / an welchen wol ehe
Reichsachen gelassen / zu vbersehen gestattet / hat
er sich nicht allein dieser vnerhorten Tyranney
zum höchsten vortvundert / sondern mich auch er-
manet / dieselbige kundt vnd rüchtbar zu machen /
Erstlich darumb / dieweile dieser Iwan bey zeit
ten Keyser's Caroli des fünfften mit hohem erbie-
ten vnd rühmen seines Christenthumbs / wie aus
hinden angehefften seinem schreiben zubefinden /
ein Freund des Reichs zuwerde sich viel gemühet /
auch noch teglich bey der Keyserliche Man. vnd den
Reichsstenden sich vor ein vortanten des Reichs
anzunehmen / ohne vnterlas solcitirt / vnd sich
grosser

grosser Justicien / heiligkeit vnd Christlicher Re-
logion rühmete / das democh Christliche Potenta-
ten / wann sie dieser fruchte seines Christenthumbs
berichtet / was aus denselbigen zuhoffen / beyleuff-
tig vorstehen möchten. Zum andern / das viel
leichtfertige Leut / so im Reich nicht sicher / vnd oh-
ne zal nach der Muscov fliehen / auch sich zu all-
gemeiner Christenheit höchstem schaden vnd nach-
teil / mit vorretheren vnd allerhandt bubenstücken
der ende Insinuiren / wann sie solches wütens vnd
tobens berichtet / von ihrer flucht vnd vornemen
abgeschreckt werden möchten. Aus solchen vnd
andern domaln mehr angezogenen vmbstenden /
bin ich bewogen / E. F. G. dasjenige so warhaff-
tig ergangen / vnd ich / wie obgemelt / in eil auff-
fangen mügen / vnderthenig anzuzeigen / mit vnder-
theniger demütiger bitt / E. F. G. wollen diesem
einfeltigen / doch gründlichen berichte gnedigen
glauben geben / vnd mein gnediger Herr sein vnd
bleiben / E. F. G. vnderthenig gehorsamlich zudie-
nen / erkenne ich mich pflichtschuldig. Datum
den 12. Junij. Anno 1581.

E. F. G.

Vndertheniger
gehorsamer.

Georg vom Hoff / Schösser zu
S. Georgen vor Naumburg.



Als sprichwort / das die Eule keinen Sperber ansheete / vnd art von art nicht lasse / wirdt vns der iho regirende der Grosfürst zu Muscow Iwan Basilowis / bestetigen vnd warmachen / vnd aus nachfolgendem bericht erkundt vnd exempels genugsam sein. Dann gleich wie derselbige / von allen seinen ahnen aus Mutter leibe von wüeterischem Tyrannischem geblüt erkoren / Also vleisset er sich auch die art zuerhalten / vnd seine beide Söhne dahin zuziehen vnd abzurichten / auch vor sich selbst / seine Voreltern / welche doch ihrer Vnchristlichen vnd Meineidischen / mit vnerhorten vormischten tyrannischen vnthaten halben / zimlich wol bekandt / weit zu vbertreffen / Hette auch solche angeborne vnd ererbte art vielehe an tag geben / vnd was er im Schildt fährte / sehen lassen / wo ihnen nicht ehrliche tapffere Leut seines Volcks / Sonderslich die geschlecht Bielski / Garbata / Kalizaw / etc. vnd andere / welcher halben / do er sie dergestalt hinrichten würde / ein grosse vffruhr vnd entpörung beim Landuolck zubesorgen haben müste / von seinem fürnehmen abgeschreckt hettten. Dieses aber zuuorkomen / vnd nichts weniger seiene ihm vorgesagte Tyranny auszüben / vnd ohne rottung oder vffruhr sein mütlein mit mehrerm glimpff zukülen / hat er durch Teuffelisch eingeben / volgenden listigen weg an die handt genommen.

In Jahr ein tausent fünff hundert vnd sechs vnd sechzig / Sontags nach Nicolai hat Iwan der Grosfürst in Muscow alle geistliche vnd weltliche Stende vor sich betagt / vnd ihnen semplich vorgegeben / Er wüste gewis / hette auch des beständige nachrichtung / das sie

sie alle sampt ihnen vnd seine Erben / lenger nicht dulden noch leiden möchten / nach leib vnd leben trachten / vnd das Keussisch Reich auff andere Herrschafften zu transferiren vnd zubringen willens / Derwegen wer er geursacht / sie an sich zufordern / vnd wolte ihnen semplich hiemit das Regiment abtreten vnd vbergeben haben / Darauff auch seine Keyserlich Kron / Stab vnd habit vor semplichen Stenden in der Khatsstuben niedergelegt. Ferner den andern tag hat er aus allen Kirchen / Clöstern vnd Capellen / souiel derer in der Moscow / derer etliche tausent / alle vorneme heiligē oder gemalte bilder / viel fuder oder schlitten voll geladen / ohne die sunsten von Pfaffen / Bischoffen / Epten / vnd andern zugetragen / vor sich bringen lassen / vnd ein iglich bildt / ihrem brauch vnd Religion nach / gegrüßet / geküßet vnd gesegnet. Nach demselbige auch etliche tage nach einander / ja die nacht darzu genommen / vnd nicht geruhet / in alle Kirchen vnd Clöster gezogen / vnd solchs gleichsals mit den gemalten heiligen vnd bildern geübet. Nach vollendung dessen / hat er alle Geistliche vnd Weltliche Stende in S. Marien Kirche vmb neun vhr bescheiden / daselbst durch den Metropolitane oder Bapst Messe halten / vnd müter weil seine zugeordnete Leut vnd Hoffgesindt sampt dem ganzen schatz vnd troß / vorfertigen vnd auff den platz rücken lassen / vnd wie die Mess aus gewesen / aus der Kirchen getretten / Da als baldt seine Fürstin mit ihrem vorfertigten schlitten / vnd beyden jungen Herren erschienen / Erstlich den Metropolitane / den Erzbischoff von Neugarten vnd andere Bischoffe / Cardinel / Epte / Pfaffen vnd Mönche / hernacher die Obersten Baiouaren / Rudes Iwan Bielski Westiselowski als wol den Cansler / alle beuhelhaber / Land Baiouaren vnd Rauffleut / derer ein grosse menge / gesegnet / die handt geben / sich in schlitten

ten gefest / vnd beide Söhne / jeden auff eine seiten zu sich
genommen / vnd also abgescheiden / von vornemen Baioa-
ren aber niemands mehr dann Alexo Basmonw / Leu Sal-
tikaw / Iwan Schaboto / Knäes Afnassi Wesemskj /
den Cansler vnd wenig Hoff Juncfern mitgenommē / vnd
den tag bis gegen Calomeng anderthalb meil vorrückē / das
selbst ihnen ein Tauwetter begriffen / das er fast zehen tage
still ligen müssen / Wie sich aber das wetter geendet / ist er
seinem fürnehmen nach / bis zu der Alexandrischen Schlo-
boda vorreiset / vnd sich ein weil alda enthalten. Nicht lang
hernacher hat er den Leu Saltikaw / der die zeit Oberster
Marschalck gewesen / vnd Iwan Schaboto / dergleichen
den Cansler / Schreiber vnd andere Befehlhabere nacket
ausgezogen / vnd zu fufs nach der Muscow vorwiesen / auch
bey denen dem Metropolitane vnd stenden geschrieben / Er
wolte ziehen / dahin im Gott vnd das wetter hülffe / Ihnen
aber als seinen vorrethern vbergebe vnd liesse er das Reich /
Es konte aber die zeit kommen / das er solchs wider von ih-
nen fordern möchte / etc. Darauff schreib ihm der Babst
vnd sempliche Stende / sie höreten solches von ihme als
ihrem ausgesonderten hochlöblichen Herren mit beküm-
mertem hertzen / ganz vngerne / das seine Keiserliche vn-
gnade auff sie gefallen / vnd fürnemlich / das er sein Reich /
vnd sie als die arme Schefflein ohne Hirten / so mit vielen
Feinden vnd Wolffen umbzeunet / so ganz elendt vnd
trostlos hinter sich vorliesse / Thetten aber flehen / bitten /
vnd ermanen / er wolt sich doch eines andern bedencken /
vnd widerkeren / das were wol ehemaln geschehen / das
ein Reich vom Feindt eröbert / vnd ein Herr dem vorstehen-
den vbel entwichen / Das aber ein solcher Grosmechtiger
Herr ohne alle nott / seine trewe Landtschafft / vnd so ein
grosmechtig Keyserthumb verlassen / vnd abgetreten / wa-
re nie

re nie gehört noch erfahren / Do er aber im grunde einige
vorretherey wüste / dieselbe melden vnd namhafte machen
würde / weren sie vorböttig / die verrether / sie weren hohes
oder niedern standes / auszuantworten vnd zu vbergeben /
dieselbigen mit gut fug ohne alle gnade am höchsten zu-
straffen / vnd hinzurichten / Vnd do er es leiden kündte / wol-
ten sie sich in aller vnderthenigkeit an ihnen begeben / seine
meinung zuuornehmen. Darauff der Grosfürst geant-
wortet / Ob er wol entschlossen / auch dermassen abgeschei-
den / ihrer keinen mehr vor sich kommen zulassen / so kündte
er dennoch zufrieden sein / das der Metropolitane / der Erz-
bischoff von Neugarten / der Bischoff von Susdol / der
Api von Tronis / Knäes Iwan Bielskj / Knäes Iwan
Mesuselowskj / der Cansler / Iwan Wics Rewadt / vnd
Andre Basilowits auff eilender post auff's aller geringst
vnd leichtest zu ihm kommen möchten. Hirauff obgemelte
Personen gehorsamlich erschienen / Als sie aber ankome-
men / seindt sie gleich als offene feinde mit hutt vnd wache
vorschen / Ja er selbst hat sich wie in einem offenen Feldt-
lager sehen / vnd sie zur audiens kommen lassen / Alda der
Metropolitane im namen vnd von wegen beider Stende
angefangen zusprechen vnd zubitten / seine May. wolte doch
bedencken vnd betrachten / in was grossen glück / auff-
wachs vnd gedeien / er sein Reich bis dahero regieret / das
er auch ein oberwinder vnd schrecken aller seiner Feinde
worden / vnd sein Reich gar weit / hoch vnd breit vormehret /
darzu von dem lieben Gotte / mit zweien feinen wolgeschaf-
fenen hochgezierten Jungen Herren begabet / Hette dar-
zu bey demselbigen so ein vndertheniges / bereitwilliges /
gehorsam / gros / vnd vnzalbar Volck. Fürnemlich aber
solt er erwegen / was viel heiliger Beter vnd wundertheter /
in der Muscow vnd seinem Landt / die ihre Seele zu dem
B lieben

lieben Gott geschickt / aber noch ganz vnd vnuerwesslich
auff den grebern liegen / als wann sie lebten / vnd allzeit als
getrewe vorbitter seiner vnd des heiligen Reussischen
Reichs / bey dem lieben Gott gedechten / ohne das er sunst
an Geldt / gude vnd reichthumb / gar keinen mangel hette /
Er auch iso allein als ein Heuyt der rechten Christlichen
Kirchen / vnd ausgesonderten waren Apostolischen glau-
bens Herr vnd Monarcha were. Vnd do er nicht achtet /
was da zeitlich vnd vorgecklich / als seine grosse Lande /
Stedte / vnzalbare Leute / vnaussprechliche Schere vñ Gold
vñ Silber / oder einige ding / so sott er doch geducken an ge-
melte heilige Wundertheter / vnd die einige Christliche
Religion / welches alles durch seinen abzug / vnd ubergabung
des Reichs / durch den Samen der vmbliegenden Reker
vorunreiniget / wo nicht gar zerrissen vnd vertilget werden
kunte / welches wegen er sich eines andern beducken / vnd
wiederumb zum Regiment keren wolte / Do aber gebrechen
vnd mangel im Lande / die sie doch nicht wüßten / künden
dieselbige durch mildigkeit seiner gnade vnd güte / oder ernst-
liche straffe / gebessert / geendert / vnd alles was vnrichtig /
durch Gebot vnd befehlich ersetzt werden. Auff dieses an-
bringen / hat der Großfürst die sache ein tag in beducken zu-
ziehen angezeigt / vnd sie nach vorloffener zeit wiederumb
erfordert / Vnd eigener person diese mündliche antwort
geben. Sie wüßten sich ohn seine erinnerung aus den
Reussischen Croniken zuberichten / wie auffsezig die
Landtschafft seinen voreltern / vnd ihme / so wol dem tew-
ren vnd Durchleuchtigen Geschlecht / Woldimar Mono-
macho je vnd allwege gewesen / darüber viel Bluts vnter
ihnen vergossen / nur das hochlöbliche Geschlecht auffzueu-
men / vnd an stadt desselbigen / andere zupflanzen / in mas-
sen sie dann noch auch gegen ihme in stetter vbung stunden /
dassel

dasselbige zu volnziehen / Dann ihnen wol bewust / wie sie
ihnen als einen Natürlichen Erben nach absterben seines
Herren Vaters vertilgen / vnd aus ihrem eignen vngeach-
ten herkommen / das Geschlecht Saladin Garbata / vnd
andere vor ihre Herren auff vnd annemen wollen / dieselbi-
ge must er noch heut zu tag vor seinen augen im Regiment
sehen / ohn das ihm wol bewust / wie sie nicht allein mit dem
Könige von Polen / vndern auch dem Türcken vnd Tartar-
en Knimbskij practicirten / vnd durch allerhandt mittel /
ihnen vnd die seinen auffzuopfern trachteten / wie dann
albereit solches an seiner frommen Keyserin der von Ro-
manowis geschehen / Vnd do es Gott nicht sonderlich
verhütet / vnd ihr anschlege eröffnet worden / were es ihme
gleicher gestalt / so wol seinen Jungen Söhnen widerfah-
ren. Vnd ob er wol wegen solcher vnd dergleichen erheb-
lichen vrsachen / genotzwungen / dem gedraweten vorste-
henden vbel zu entweichen / so wolt er sich auff Conditiones
erbitten lassen / sich widerumb in die Muscow erheben / vnd
seine eigene ausgesunderte Leute (die er Aprisina nennet)
Rethe vnd wonung ordnen vnd anstellen / Darauff die ab-
gesandte zum höchsten danck sagten / vnd hiermit die Rute
vber ihren eigenen Leib bereiteten / vnd diese Teuffliche lar-
uen mit schönen farben oberstrichen / den hinterlassenen
Geistlichen vnd Weltlichen stenden widerumb zur antwort
zurück brachten.

Nun war doch des Großfürsten anschlag oder mei-
nung nicht (wie ein jeder vornunfftiger zu vrtheilen) sich
aus dem Reich zubegeben / oder sich dessen zuvorziehen / so
war ihm auch vnmöglich der Landtschafft einige vorrethe-
rey bey zubringen / Allein das er ein vrsach vnd anfang ha-
ben mochte / sein giftiges Tyrannisch herrz zubeweisen / vnd
das jeung / darauff er lange zeit getrachtet / der einest wirk-

lich zuwolziehen / Wie dann zur anzeigung des / ihm innerhalb vierzehnen tagen / wegen brennenden zorns / alle haar aus dem heupt vnd barth gefallen / nur dahin trachtende / die vornembsten Geschlecht von Fürsten vnd Edlen aus dem mittel hinweg zureumen / vnd dann den reichen Elöstern / Stedten vnd Kauffleuthen / das jenige mit gewalt zunehmen / vnd an sich zubringen / darzu er dann völgendt widerkerung anstellet.

Erstlich erhub sich auff Lichtmesse wider in die Muscow / mit solcher vorferter vnd schleuniger vorenderung / wie gemelt / das er kein haar im barth vnd heupt hatte / welches ime alles der innerliche zorn / vnd Tyrannischer Teuffelischer affect dermassen weggefressen / das er fast vnkenntlich war. Als baldt des andern tages / hat er beide Stende vor sich bescheiden / ihnen erstlich die vrsach seines abzugs / vnd wie er sich erbitten lassen / seinen zorn vnd vngedenk abgewendet / vnd wider zu ihnen keret / nach der leng angezeigt. Vnd nach dem allen Potentaten gebüret / bey guter zeit alle gelegenheit / was ihnen zu ihres Reichs gedeien vnd auffnehmen gereichen möchte / zubetrachten / Sunderlich weil alle Menschen der sterblichkeit vnterworffen / vnd das nach seinem Tödlichen abgang zwischen seinen beiden Söhnen kein span edder spaltung erwachsen / vnd das vnrichtigkeit vnd gebrechen im Lande gebessert / friede vnd ruhe erhalten werden möchte / So hette er bey sich berathschlaget / den erzelten dingen gebürliche vorsehung zuthun / Vnd wolte erstlich zu behütung seines Fürstlichen leibs etliche Batoaren vnd derselbigen Kinder / Gebiete / Stet vnd Heuser auff sich bescheiden / vnd ihm in der Muscow ein eigene bequeme wohnung bawen vnd anrichten / welches dann nach seinem absterben / alles was auff ihme bescheiden gewesen / seinem Jüngsten Sohn / das Oberschloss

schloss aber die Muscow vnd das Landtuolck oder Semsk / dem Eltesten Sohn bleiben solte. Als nun dieser anfang ein guten schein hatte / vnd ihme von allen Stenden für solche veterliche sorgfelligkeit danck gesagt / musste es ihm ein jeder / ob er gleich nicht gern wolt / vnd den handel fast gefertlich verstant / wolgefallen lassen.

Den dritten tag hernacher / lies er den Knäes Alexanders Garbata / welches Tochter Knäes Iwan Mestiselowskij zu der Ehe hette / sampt seinem Sohn von funffzehnen Jaren / enthaupten / vnd Knäes Peter Garinskij / Knäes Mileita / vnd Knäes Basilij Objilenski hencken. Den tewren Kriegsmann / der ihm so lange zeit wider den Taetern so treulich gedienet / Danieln Giltij / Andre Kasansow / vnd Knäes Iwan Schmirow / lebendig schinden. Nach diesem lies er den vierden tag hernach in den Herrschafftten Sufthal / Wesome / vnd Masaiske / alle Manschafft nach der Muscow vorboten / als die nun kamen / setz er sich neben seine Bettern / als Alexo Bosmanow / Knäes Aifnasij Wesemskij / vnd Peter Saik in der darzu verordneten Stuben nider / vnd lies einen jedern Mann / derer in zahl sechs tausent waren / in sonderheit vor sich kommen / vnd erkundt von jgltlichem sein Geschlecht vnd herkommen / darbey dann aus jedem ort / vier die aller eltesten zugegen erfordert waren / welche nach sunderlichem Examine bey ihrem Eide / derselbigen Geschlechter ankunfft / auch mit welchen sie sich beweibet / als wol mit welchen grossen Herren / Knäessen oder Batoaren / sie gemeinschafft oder freundschaft hetten / anzeigen mussten // An welchen er nun kein argwohn / oder mit grossem Geschlecht befreundet / oder gemeinschafft hette / befandt / die name er zu sich / vnd würde derselbige hauff sein Volck / vnd auff seine sprach Ap-risna / genennet / Vnd ob der einer gleich eines niderrechtigē

Bawren geschlechts / vnd vor sich selbst von Eltern nichts hette / So gabe er ihnen doch zu derselbigen stundt / als baldt ein hundert / funffzig / sechzig minder oder mehr huffen Landes / ein statliche besoldung / nam des von jedem einen sonderlichen Eidt auff folgende wort gestellet.

Ich N. N. schwere dem Keyser vnd Großfürsten vnd seinem Reich / Jungen Herrn vnd Keyserinnen / getreue vnd gewehr zu sein / Vnd was ich böses / das dem Keyser vnd Großfürsten / seinem Reich / Jungen Herren / vnd Keyserinnen zuwider / weis / gehört / oder in zukunfft hören werde / nicht zuverschweigen / auch mit den Sembskij oder Landuolck nicht zuessen noch zutrincken / viel weniger einige gemeinschafft zuhaben etc. Darauff küsse ich das Creuz / wie bey ihnen gewönlich.

Die andern aber / so auch aus demselbigen Gebiet oder Herrschafft / von führnemen vnd hohen geschlechtem herkommen waren / würden aus ihrer Vorelter / von Vätern zue Vätern anererbten Stamgütern / so ganz erbermlich ausgestossen / das sie auch ihr beweglichs an barschafft / geschmeide vnd andern nicht mit sich nehmen kunten oder durfften / sondern wurden als baldt etlichen Landt Baioren in die hende geben / die mussten sie nicht allein an andere ortte verweisen / sondern auch frisches fuesstes Weib vnd Kinde hinnach jagen / die mochten sehen / wie sie mit Betteln / durchs Landt an ihre Menner vnd Eltern kommen konten. Solche Tyranny alle vbet er in gutem schein / als ob sich die armen Leut hoch an ihm verbrochen hetten.

Nach kurz verloffener zeit / nam er das Fürstenthumb Kostoff / Volgodo / vnd Beleserj ein / vnd handelt mit den einwohnern allermassen / wie mit den vorigen / Nachstuolgenden Winter nam er ein die Herrschaffen Castrom / Pereslaw / Pereslaw / Gailis / Kalmegrodt / Casiria / Ples vnd

vnd Baj / darinnen mehr als zwölff tausent Baioren wonen / von welchen er nicht mehr den siebenhundert siebenzig in seine Aprisna genommen / die andern alle im kalten Winter vnd hefftigster kelte vnd schne / so geschwinde hinweg jagen lest / das viel der edlen Weiber / auffm wege im schne gebaren / Vnd welcher Bürger oder Bawer eine gebererin oder francken eine stunde beherbergte / der wurde ohne alle gnade / erbermlich am leben gestrafft. Do auch etliche vnterweges stürben / mussten sie nicht begraben / sondern von Hunden vnd Vögeln vorzeret werden. Vnd waren viel Baioren / so zuuor mit zwenzig oder dreissig Pferden zu dienst ziehen kunten / vnd etlich tausent vermochten / gezwungen / sich am bettelstab von Thüren zu Thüren zu erneren / vnd andere so zuuor ihre Knecht gewest / vnd nichts hetten / in ihre Güter gesetzt / vor augen sehen / vnd durfften dawider nicht nucken / Vnd wurde einem Bettler vnd Bawndremmel iso so viel gegeben / als ihr zehen zuuor gehabt. Also folgte baldt / das die so zuuor hinder Pflug gangen vnd Ross gehütet / iso mit zwenzig oder dreissig Pferden zu feldt ziehen kunten / Vnd damit es je an verderb armer Leut nicht mangelte / namen sie den Bawren / so ihnen geeignet waren / alles was sie hetten / vnd mussten die iso ein Jahr so viel geben / als sie in zehen Jahren zugeben nicht schuldig waren / Dannenhero würden solche feine statliche güter / so schleunig dermassen verwüestet / als ob der feindt das Landt durchzogen hette / Bawren hierüber gezwungen / ihre dienste so sie im Felde zuleisten schuldig / zubeforgen / Welcher dann nicht nach anzal vnd zur gebüer / sein dienst leistete / der wurde enthauptet / oder vor die Bawren geworffen.

Noch war es an allem diesem nicht gnug / vnd damit er die Sembskij oder Landuolck genslich vortilgen vnd aussrotten

votten möchte / gab er sie seinen ausgesundereten oder Aprisna vor ein Raub / welcher nun ein reichen Knäsen / Basioaren / Bürger oder Bawer wuste / wider den stalt er ein Action an auff mancheley weise / vnd vnter andern solchs schelmenwerck. Sie namen ihre Knechte vnd Jungen / vnterrichten die mit fleis / vnd schickten sie zu dem ins haus / dem sie gern in die haar wolten / gaben ihnen etlich Silbern oder Guldten geschirrelein oder Ringe selbst mit / derselbige bothe sich an zudienen / nennet sich etwa aus einer Stadt oder Flecken / behelt die mitgegebene geschirre heimlich bey sich / Auff abgeredte zeit vnd stunde nam der Aprisna / irem recht vnd gewonheit nach / einen Prislauen / siel dem reichen ins haus / vnd nam seinen entlauffenen Knecht oder Jungen gefangen / klagt ihn an / er hette ihme etliche tausent Rubeln gestolen / Zu erkundt hette er dieses oder jenes (was er ihm nun selbst mitgeben) bey ihm beschlagen vnd antrosfen / bittende ihnen rechtlichen zufragen / vnd ob er ihm nicht entlauffen / vnd wo sein verloren Gelt hinkommen. Darauff bekante der alsbaldt vnd sprach: do ich meines Lebens gesichert sein sol / so wil ich melden wo ich das gestolene gelt gelassen / Wann ihm nun solches vorheisschen / zeigete er an / er must bekennen / das er seinem frommen Herren so viel geldes entragen / es wer aber auff geheis vnd eingeben des / darbey er antrosffen würde / geschehen / welchem er es auch zugestelt / auff welche aussage / so baldt das vrtail vom Großfürsten vor seinen Aprissen gefellet würd / vnd dem beklagten auferlegt / klegern innerhalb drey oder vier tagen das gelt wider zuerstaten / Wann solchs nicht geschach / wurde er auff einen platz gestellet / vnd mit Knütteln vor die Schinbein so lange geschlagen / bis er den letzten heller bezaleit / So must er dann vmb solcher bezalung willen / Haus / Hoff / Landt vnd Leut / vnd alles was er hatte /

hatte / vmb halb gelt verkeuffen / oder dem klegern / wie es selbst begerete / vbergeben / Vnd wann gleich dann noch etwas an der hauptsumme mangelte / wurde der beklagte ohne auffhören vmb des wenigen geldes / so wol als vmb der ganzen hauptsumme willen so lang geschlagen / das sie offtligen blieben / auch mehrmaln Todt vom plas weg geführt worden. In sunderheit wurde offtlig gehört / das sie sich / ihre Weiber vnd Kinder zuvorsen vnd zuorpsenden / vor sich selbst auch leibeigen zu sein / erbothen / noch hat solchs die Teuffliche Leut zu einiger erbarmung oder mitleiden nicht erweichen mügen. Wann auch einer aus der Aprisna / mit dem / den er / wie obengehört / vorklagt hat / mitleiden trug / ihm an der schuldforderung das geringste erlies / vnd solches der Großfürst erfuhre / (wie ihm dann das geringste vnuorschwiegen bleibt) der muste ohn alle gnad am Leben gestrafft werden. Ein andere Schelmercy vbeten vnd trieben die Aprisna teglich klegen die Sembskij oder Landtuolck / so wol gegen die Bürgere. Wann sie vor der Kirchen / Rauffleut heuser oder Buden vorüber ritten / würffen sie etwas an Ringlein / Musen / oder dergleichen in die Heuser oder Buden / namen darauff einen Prislauen / sielen vnuorsehens ins Haus / sienden ihr hingeworffen ding / beklagten dann denen bey deme sie es fundt / auff so viel tausent / das muste dann der beklagte ohne alle widerrede bezalen / Oder wurd dermassen mit ihme vmbgangen / wie oben erzelet. Insonderheit wardt dieses gar gemein geübet / Wann die Aprisna dem Landtuolck auff der Strassen vnd Gassen begegneten / (wie sie dann handels vnd wandels halben / nicht vmbgang haben können) siel der Aprisna dem Sembskij an hals / rücket ihn vor das Gerichte / wann er ihn gleich nie gesehen oder gesprochen / beklagte ihnen / er hette auff die Aprisna gescholten.

scholten etc. Vnd ob gleich der Großfürst wußte / das es nicht geschehen / würde doch der Keger hoch geehret / vor ein tapffern tewren Man ausgeschrieen / vnd alle des beslagten Güter gegeben / Er aber selbst durch alle gassen gestrichen / darnach enthauptet / oder in ewige sterbliche gefencknus geworffen. Diese vnd viel andere Tiranny vnd Schelmenstück mußten sie aus befehllich ihres Herren des Großfürsten / welches sie auch / als zu Erbarkeit vntüchtig / vnd zu aller Schelmerrey von Natur geneigt / ganz willig vnd gerne theten / ohn vnterlas für vnd für trieben / vnd in dem / weder vnter hohen oder middern / weder Geistlichen noch Weltlichen / ja vnter Bürgern / Bawren / Wittwen vnd Waisen kein vnterschiedt machen / bis das er wußte / das kein Fürste Baioar / Edel oder Vnedel / / ichtes mehr an Gelde vbrig oder behalten hette / Es müssen auch seine Aprisna / oder ausgefunderte ein kendlich oder mercklich zeichen führen / Als die reitende / hingen an ihrer Pferde hals ein Hundskopff / vnd an den bogen ein Bessem / zur bedeutung / das er als ein Hundt erstlich beißen / vnd alles im Lande / so ihm zuwider / ausfegen wolte. Die aber zu Füsse / mußten alle in schwarzen groben Tuch wie Mönche oder Betler gekleidet einher gehen / doch stalen sie so viel / das sie die wol mit Zobelvnd Mardern füttern lassen vnd tragen kundten. Er der Großfürst selbst stiftet vber alle erzelte lesterliche begangene Bubenstück / vnd bestellet Regiment aus denselbigen seinen Aprisna oder ausgefunderten / ein sonderlichen Brüder Orden / nam darvberin an zal drey hundert Junger Manschafft / alles widerrechtigen Geschlechts / vnd die aller vorwegensten / frechsten / vbergebenen Ersbuben / so er in der ganz Aprisna finden mocht / vnd wie er achtet auch an ihm selbst also / zu sonderlicher beschwerung seiner Leut / des Ordens grundt oder

Fundam

Fundament vnd tegliche vbung wat / wie folgt. Erstlich war das Closter oder der Ort / do er diesen Orden volnkömlich hielt / nirgent als in der Alexandrischen Schloßboden / do er dann gemeinlich / ausser dem / wann in frembde gesanten oder wichtige sachen in die Muscaw zohen / sein ablager hette. Im Closter war er selbst Abt / Annes Annassii Besembstij Kelner / Maluta Iskurtow Custos / vnd also vollends mit andern des Closters empter besetzt: Die Glocken leutet er mit seinen beiden Söhnen sambt dem Custor selbst: Des Morgens vmb vier vhr / mußten alle Brüder in der Kirchen sein / vnd welcher hohes oder nidrigen Standes / ausserhalb leibs schwachheit nicht erschiene / wurde in die Gardesun auff acht tage zubüssen geworffen / in solcher vorsamlung sang er selbst mit seinen Brüdern vnd zugeordneten Psaffen / von vier bis zu sieben vhren / Vmb acht vhr leutet er widerumb zur Kirchen / do sie gleichfals alle erscheinen mußten / Dieses singen so er wider anfang / weret bis vmb zehen vhr / do dann die Malzeit bereitet / die Brüder sich alle nidergefakt / Er aber als der Abt selbst stehen blieben / seinen Brüdern zu Tisch gelesen / bis sie gessen. Es muß aber ein jeder Bruder / Schüsseln / Randeln vnd Flaschen selbst mit zu Tische bringen / darin sie zimlich wol an essen vnd trincken ein jeder besonder gespeiset wurden / Aber alles so ihnen vberblieb / mußten sie mit sich hinaus tragen / vnd den Armen geben / vnd wann derer keine vorhanden / ihnen die Kost vnd Tranck anheim ins Haus tragen / darauff er dann selbst gut acht gabe. Nach vorrichtung der dinge / setz er sich auch zu Tische / vnd wann er gessen / füget er sich auff das ort / da er viel hundert sitzen hette / der Peinigerhoff genandt / da mußten die armen leut in seiner gegenwart gefaltert / ja jr vnzelich viel / ohne alle vrsach zu Tode gemartert werden / welches /

E ij wie

wie menniglich spüren kundte / seiner Natur eine sonderliche freudt vnd ergötzlichkeit gab / wie dann zu anzeigung dessen genugsam / das er nimmer frölicher anzusehen vnd zu sprechen / dann wann er auff dem peiniger Hofe gewesen. Bey dieser pein vnd marter / vorweilet er bis umb acht vhr / da ein jeder Bruder im Kempfar auff ihre sprach Treppesgenandt / zum Abendgebet erscheinen / vnd bis zu neun schlegeln im Gebet vorharren muste. Nach demselbigen faget er sich in sein Schlaffkammer zur ruhe / vnd weiln er von Natur vbel schlaffen kundte / warteten auff ihnen drey alte blinde Menner / welche / so baldt er sich gezeiget / alte Historien / Fabeln vnd Mehrlein einer vmb den andern zusagen anfangen / vnd das vnaußhörlich treiben musten / bis er einschlieff / das werete auch nicht lenger dann umb zwölff vhr / do dann wider geleutet / vnd die Brüder alle erscheinen / vnd bis auff drey vhr zusingen anfangen musten / vnd solchen brauch hielt er für vnd für steiff vnd fest. Was aber Weltliche hendel im Regiment / Item Morden / Rauben / Todtschlagen / vnd allerhandt Tiranny zu treiben anlangete / darzu brauch er niemandes anders / dann seine Brüder / Was ihm dann einfiel / diesen zu Todten / den andern zuuorbrennen / den oder jenen zuberauben / vnd dergleichen / das ordnet er alles in der Kirchen / da musten dieser oder jener Bruder auff eilender post / an das ort / do dieser oder ein ander vmbzubringen / auff sein / vnd den beuehlich exequiren. Wasserley gestalt vnd weise aber die Leute hinzurichten vnd gemehiget werden solten / dessen gabe er jedem schriftlichen beuehlich / welchem sich niemandt widersehen durffte / Ja hieltens mehr für ein sonder glück vnd gnadt / wann ihnen dergleichen sachen auffgetragen / Es must auch ein jeder Bruder so wol er selbst / lange schwarze Mönchsbe mit langen Spißeisen in henden / vnd ein
Messer

Messer einer ellenlang vnter der Mönchskutten alweg tragen / damit / wann ihm einfiel diesen oder jenen vmbbringen zulassen / nicht lang nach Bütteln oder Henckern geschickt werden durffte. Er lies auch gefas vnd schakung ausgehen / das vnter dem Landtuolet in allen Stenden / ein jeder von siebenzig Hufen Landes / vber das so sie sunst zugeben schuldig / noch ein hundert vnd achzig thaler geben / mit welcher aufflage er alle seine Aprijsna freiete. Vber dieses / musten sie alles das / so er zugebunden Rosdiensten im Felde vnd andern erdencken kundte / erlegen vnd bezahlen.

Als er nun diese dinge dermassen ins werck gerichtet / das Landtuolet dermassen vnterbracht / das er sich keines widerstandes mehr befahrete / Do griff er algemach nach einander an seine vorneme Baidaren / auff allerhandt manier jemmerlich vnd erbermlich hinzurichten / vnd auszutilgen. Den Rades Iwan Petrowis / vnd Michaeln Kalisow / erstach er selbst in der Nachtstunden / vnd lies sie den Hakenshäusen zuwerffen / die zerfleischten sie mehr denn auff hundert stück / vnd lies sie auffm platz liegen. Seinen Schakmeister Kasan Jurgowis / lies er durch seinen Schwager Rades Michael Timmeruck Erecaski in seinem eigenen Hause / sampt seinem Weibe / zweien Jungen Knäblein von fünf vnd sechs Jaren / neben zweien Töchtern / zu kleinen stücken zerhawen / vnd auffm platz hinzwerffen / vnd war allenthalb ein erbermlichs / schrecklichs weheklagendes ansehen / von Morden vnd Todtschlagen. Es musten seine Aprijsna / in einer Rott bey zwenzig / dreissig / weniger vnd mehr / mit Panzern vnter den Rotten angethan / vnd grossen Nichtbeilen in henden / alle Gassen vnd Strassen / auff vnd abereiten / ein jede Rott hat etliche vornehme Baidaren / Knäesen / Rauffleut /
E iij Cansler

Cansler vnd Schreiber vorzeichnet / derselbigen wusste keiner von einiger schuldt oder der zeit seines Todes / gingen auff Cansleien / Gerichtsstuben / vnd wo ein jeder zuthun / als baldt war dieselbige Rott der Mörder / in den Pforten / auffm Marckt vnd Gassen / oder wo sie der einen antraffen / zerhieben vnd zerfleischeten sie ohne alle schuldt / vnd ungehorter entschuldigung / vnd liessen sie liegen / vnd durffte sie darzu kein Mensch begraben / Wurden also alle Gassen vnd Ples mit Todten erfüllet / vnd derentwegen ein solcher gestand befunden / das aus vnd einheimische vor furcht vnd grossem standt der Todten / nirgent zubleiben wussten / Knäes Peter Schenetow vnd Turentij Pranslij beyde Baiuoden vnd tapffere Renner / lies er mit Knütteln zu Tode prügeln. Knäes Peter Zerebrow / Knäes Boldimar Kurlotow / vnd der viel hundert / lies er alle vnuorsehens zerhauen / viel in ihren Heusern zerhacken / vnd die stücke in die Brünnen / daraus die Leute kochen vnd trincken mussten / werffen : Er lies auch ihrer viel ihre Weiber in die Thorarten hengen / vnter welchen todten Körpern die Renner teglich / aus vnd ein gegen Hoffreiten mussten / vnd musste sich keiner mercken lassen / das ihm solches widerfahren.

Seinen eigenen Schwagern Knäes Michael Timmeruel Cirkaslij / des Schwester er zur Ehe hette / vnd ihm selbst des reichen vnd gar klugen Basilij Michalowitz Tochter / so mit seinen Jungen Söhnen geschwistriget / zur Ehe gegeben / lies er berührte seine Hausfrau als ein vnschuldiges frommes Weib nicht zu sechzehen Jahren alt / beneben ihrem Sone / eines halben Jars alters / zu vielen stücken zerhauen / vnd mitten in Hoff legen / vnd must der Man teglich aus vnd ein vorüber reiten / sich aber anders nicht sinnen oder hören lassen / das es ihm zuwider oder vbel gehandelt. Mit

Mit Peter Saik vnd viel andern / lies er gleicher massen auch gebahren / noch wurd sein Blutdürstig / Tiwanisch gemäch nicht erfetiget.

Anno 1568. den 19. Julij zu mitternacht / schickt er seine nehesten gehrimbsten vortrauwete Rhet Knäes Affnassij Besembokij / Maluta Jsturtow / Basilij Grefenow / vnd andere mehr mit etlich hundert Hafenschützen / die mussten den Baiuoden / Knäessen / Baiuaren / Canslern / Kauffleuten vnd Schreibern / in die Heuser fallen / vnd ihnen ihre Weiber von den seite nemen / vnd auff Wagen so zur handt bestellte / werffen / vnd dem Grossfürsten auffss Schlos führen / vnd die Nacht ober wolk bewaren / des Morgens frue brach er mit denselbigen vnd seinen Aprisna / derer etliche tausent / auff / reisete des Tages bis auffss Nachtelager / da lies er ihme dieselbigen Edlen Weiber alle vorstellen / vnd suchte vor sich zu seinem schandbaren laster / die so ihm gefielen / heraus / die andern teilte er vnter sein Hoffgesindt / vnd zog also sechs ganser wochen herum / in der Muscowsischen gegne / in der fürnembsten Knäessen vnd Baiuaren Güter / vortbrennete / schlig Todt / alles was leben hatte / vnd brennen kundte / zu jüngst das Viehe / auch Hundt vnd Katzen. Die Teiche lies er ab / das die Fisch stürben / vnd alles was Odem hatte / musste sterben / vnd nichts bleiben / das arme vnschuldige Bawruoel / Kinderlein an Brüsten vnd in Mutterleib lies er würgen. Weiber / Jungfrauen vnd Megde / lies er bey grosser menge nackt auszichē die musste herum lauffē vnd Hünen fangen / vnd wan es geschehen / vnd er sie genugsam beschen / lies er sie mit Flisschen vnd Handtrorē erschiessen. Als er nun vorgemelter entfärten Weiber vor sich gnug vnd oberdrüssig / hat er die den Hafenschützen auff etliche Tage vbergeben / vnd hernacher auff Wagen legen / in die Muscaw führen / vnd ein jede so das leben behalffen / wieder vor
fr Haus

ihre Haus niedersitzen lassen / viel aber haben sich selbst zu
uorn ertödt / viel sindt vor herkleidt in der schandtbaren
Sodomitischen reise gestorben.

Als nun solche vnd dergleichen vnerhörte Tiranny
vnd Sodomitische Sünde / durch den Großfürsten mehr
vñ mehr geheuffet / vnd teglich ohne auffhören im schwang
gangen / hat der die zeit regierende Metropolitane oder
Bapst mit namen Philippus Kalizow / so eines Adelichen
herkommens / vnd von den fürnehmsten Preussischen der
Kalizowen oder Zelandinen Geschlechts / eines auffrichti-
gen ehrlichen vntadelhafftigen lebens vnd wandels / auch in
seiner Religion dermassen gevlissen / das er sich in ein Clo-
ster im grossen Oceanischen Meer mit namen Solowzo ge-
than / in meinung sein leben in Gottes frucht alda zuen-
den / do dannen er durch freie wahl des Großfürsten vnd als
ler Geistlichen / zum Metropolitane beruffen worden /
Vnd als er eines vnerschrockenen Taffern hertzens vnd
gemüts / sich in billichen sachen / vnd vmb der Justicien
willen / auch Leib vnd Leben darzustrecken / nicht schewete /
hat er den Großfürsten erstlich in geheim von solcher vn-
menschlicher Tiranny abzustehen / zum demütigsten er-
manet / daher dem Fürsten der argwon kommen / das sol-
ches auff eingeben etlicher Baiwaren vnd des Landvolcks
geschehen / name ihm derwegen für / vorige Tiranny
zweifach mehr zuüben / vnd bewiese solches nur redlich.

Da nun der Metropolitane sein getreue warnung vnd
ermahnen mehr schedlicher dann nütlicher sein / daneben
wie ihm solches ferner zudulden / so gar verweislich fallen
wolte / vormerckte / hat er mit grosser bestendigkeit dem
Großfürsten in S. Marien Kirchen / beyseins des ganzen
Geistlichen Standes / vnd aller vornehmen Baiwaren of-
fentlich mit diesen worten angesprochen.

Aller

Allergnedigster Keyser vnd Großfürst / Wie lang wiltu
deiner eignen trewen Leut vnd Christen Blut so vnschuldig-
lich vorgießen / wie lang sol vngerechtigkeit in diesem
Keussischem Reich / darvon Tartern / Heiden vnd alle
Welt zusagen weis / herschen / alle andere Völcker haben
Gesetz vnd recht / dabey sie gelasse / allein in Keussenlandt ist
es nicht / in aller Welt / erzeigt die Obrigkeit den Vbel-
thetern / wann sie es suchen / Barmherzigkeit / aber alhier
in Keussenlandt ist auch vber die gerechte vnd vnschuldige
kein erbarmen. Erdenck doch / ob dich Gott gleich alhier
auff dieser Welt erhöhet / das du dennoch ein sterblicher
Mensch seiest / vnd das Gott der gerechte Richter / das vn-
schuldige Blut von deiner handt fordern werde / die seine
vnter deinen Füßen werden dich / wo keine lebendige See-
len / vorlagen / vber dich schreien vnd richten. Vnd ich
mus dir solches aus Gottes beuehl sagen / wann ich auch
gleich alsbaldt den Todt darumb leiden solte etc. Solche
vnd andere reden / haben den Großfürsten zu solchem zorn
bewegt / das er auch mit dem Stabe / den er in henden / wi-
der das Erdreich gestossen / vnd angefangen / Ich bin dir
Metropolitane / deinem Anhang / vnd meinem Reich / viel
zu from gewesen / von nun aber wil ich euch zu klagen
schaffen / damit aus der Kirchen gangen.

Des andern tages aber alle Knäessen Baiwaren / Hoff-
junctern / Vorschneider / Tischdiener / vnd alles was vor-
nehmen Geschlechts gewesen / auff fangen / vnd durch alle
Gassen zur stauppen schlahen lassen / etliche jemuevlich er-
mordet / etliche in die Thurm vnd Gefengnus werffen las-
sen. Vnter den vornehmsten Knäes Basilij Pranklij /
Iwan Karamisin / vnd Christian Burdna lies er ent-
haupten. Dem Bapst fiel er mit gewalt in seinen Hoff /
nam seine Kette / Hoffmarschalck / vnd vornehme Diener
D heraus

heraus / ließe die erstlich in Gefengnus legen / dann durch
alle gassen mit eisern Peisschen hawen / vnd so lang der
Adem in ihnen war / peisschen vnd zu Tode martern / vnd
allerhandt pein vnd marter / die er nur erdencken kundte /
lies er den armen vnschuldigen Leuten anlegen : Lebendig
lies er sie Schinden / Riemen aus der lebendigen Haut
schneiden / vnd in Summa / es kundt gewlicher nicht er-
dacht werden / das von ihm vnterlassen. Damit er auch
sein leidt mit fug vnd glimpff am Babst rechen mochte / er-
weckte er wider ihnen falsche Zeugen / die ihnen eines erger-
lichen vngbürllichen lebens beschuldigten / derwegen er
dann alle Geistliche Stende betagte vnd begerte / das sie
einen andern Babst wehlen sollten / diesen öffentlich verdam-
men / vnd an seinem leben richten / auff welches der Babst
vorgestellt / vnd zureden also angefangen.

Kaysen vnd Großfürst / du meinst / das ich in meiner
guten vnd rechten sachen / dich oder den Todt fürchte / Ich
habe nun ober andere meine Jahr / drey vnd funffzig Jahr /
auff der heiligen Stete in der Christlichen vorsamlung zu
Salowzo mein leben bis dahero in mein neun vnd sieben-
zigest Jahr / ehrlich / züchtig / warhafftig / vnd mit gutem
reinen gewissen / dermassen zubracht / das man mir das ge-
ringste laster mit warheit nicht nachsagen / viel weniger er-
weisen kan / wil auch mein leben also stet vnd veste enden /
vnd meine Seele Gott dem HERN / der dich vnd mich
richten wirdt / mit freuden wider auffopfern. Begere auch
viel lieber ein solch Testament hinter mir zulassen / dann das
mir als dem Metropolitane nachgesaget werde / ich hette
dir zu deiner Tyranny geheuchelt / vnd durch mein still-
schweigen zu aller vngerechtigkeit vnd böshheit vrsach gege-
ben / darumb so schaff was du wilt / da ligt mein Stab / Hue
vnd Mantel / vnd befehle euch Erzbischoffen / Bischoffen /
Cardia

Cardinelen / Ebtren vnd allen Geistlichen Vetern / hütet
vnd weidet ewre Heerde vnd Schaffe / als ihr es vor Gott
vorantworten könnet / vnd schewet mehr den / der die Seel /
denn den so den Leib nemen kan / meine Seele befehl ich in
Gottes hendt / vnd als er mit den worten sich vmbkeret / vnd
zur Thür ausgehen wollen / hat ihm der Großfürst solches
geweret / ihm doch gefallen lassen / das er ihnen mit solcher
list vnd behendigkeit / zu ablegung des Habits gebracht /
aus falschem herren aber mit dem Geistlichen Stande ge-
handelt / den Babst zubeuten / nicht solcher gestalt zu-
uorfahren / vnd sich ehe / dann er überwunden vnd ordent-
licher weise verurteilt / selbst zurichten / er solt auch seinen
Habit wider anlegen / dann er wer bedacht / an diesem ho-
hen fest (war der tag Michaelis Archangeli) seine Messe
zuhören / Als nun der Babst mehr aus noth vnd zwang
der Geistlichen / den habit wider angelegt / vnd bey sich
beschlossen die letzte Messe zuhalten / vnd darauff abzu-
danken / vnd der Großfürst dessen berichtet worden /
hat er als baldt Maluten vnd andere seine Henckersbuben
vorordnet / so baldt der Babst vor den Altar treten wolte /
soltten sie ihm den Hut vom Kopff / vnd alle andere Päp-
liche gezierde mit gewalt abreißen / vnd ihnen damit vmb-
Maul schlagen / auch bloss in der Kirchen liegen lassen /
welches alles trewlich vnd wol ausgerichtet worden. Nach
diesem wurde er auff ein hülken Schlitten gelegt / vnd in
einem Closter vorwarlich eingesperret / were auch des an-
dern tages gericht vnd vmbbracht / wo er nicht durch den
Geistlichen Stand erbeten worden / hat ihm aber teglich
vier altin / seindt etwa zehen Littawische grosschen zum vn-
derhalt geordnet / vnd ferner gegen Otfer in ein Closter ge-
schickt / da er von dieser zeit ab bis auff den Februarium des
69 Jahres gelebet / wie er aber sein leben geendet / vnd der
D ij Groß

Großfürst mit ihm umgangen / wirdt hernach vormeldet werden.

Nicht lang hernach / hat sich ein gros vbel zugetragen / dann in einer Stadt mit namen Zerskij / an einem Markt tage etliche von den Aprisna oder ausgesonderten / den armen Leuten am Markt eingefallen / vnd des ihren beraubet / derentwegen ihrer einer oder zwey / vnter der menge des Volckes vorwundet / vnd todt blieben / Als nun der Großfürst dessen berichtet / hat er alle Einwohner vnd Bürger / deren vber zwey hundert gewesen / fangen / jemmerlich Martern vnd Peinigen / sie zerhauen vnd ins Wasser werffen lassen / das Stedtlein auch so gar vorwüestet / das nichts vberig blieben. Also vnd gleicher gestalt ist in einem Stedtlein Columno geheissen / auch geschehen.

Vor vnd in solchen werenden dingen / hat ihm für vnd für im sinn gelegen / wie er doch seines Vatern Bruder / Knäes Boldimar Andrewis so ihm beschwerlich im wege lag / mit fug vnd glimpff auch dempffen vnd auffreumen mochte / vnd solches zu enden diese list funden. Er schrieb ihm ein freundlichen Brieff / darinnen zeigt er an / Ihm keme bestendiger weise für / das der Türck vorhabens / einen Zug auff Astrakan vnd Kasan zunemen / derwegen solt er sich neben andern dar zu geordneten Kriegsvolck nach Neugarten im Niederlandt erheben / vnd ein Lager begreifen / Als ihm nun der gut Herr in deme gehorsamet / vnd seinen weg / durch eine / seiner Stedte / Castron genant / genommen / haben ihn die Bürger / so wol Epte vnd Pfaffen / in meinung vnd hoffnung / weiln er des Großfürsten Vatern Bruder / sich wol umb inen zunordienē / vnd den Herren ihrer gewonheit nach mit Sals vnd Brodt vorehret. Als dieses vor den Großfürsten kommen / hat er sie alle fangen vnd vor sich bringen / volgentis durch alle

Gassen

Gassen preisfchen / vnd endtlich zerhauen vnd hinrichtert lassen. Als nun obgemelter Knäes Boldimar Andrewis / ein gute zeit zu Neugarten gelegen / vnd das sich der Türck wider gewendet / vernommen / dessen dem Großfürsten berichtet / vnd wiederumb zu Haus zuziehen begeret / hat ihm der Großfürst mitler weil / seinen vorlang gefassen has / mit gutem schein / vnd das er dessen erhebliche vrsach genug / auszulassen / diesen weg funden. Er schickte von der Alexandrischen Schloboden seine Köche wechsels weis nach Neugarten / welches vier vnd achtzig Teutscher meilen von einander gelegen / nach Fischen / do er doch dieselbigen in der nehe viel besser / vnd in grösserer anzal haben kondte / gab dem Phidro Zuma / ein Büchssen vol giff / dieselbig einem Koch zu zustellen / mit vnterricht / als ob er die zu Neugarten / von Knäes Waldimarn / neben funffzig Kubeln empfangen / dem Großfürsten in der Speis beyzubringē etc. Nu mochte dasselbige als ein angelegte sache der Phidro Zuma / dem Großfürsten in grosser geheimquansweise anzeigen / darauff der Koch zum schein gefenglich eingezogen / vnd das er es nicht fülete gepeiniget / das Puluer das es giff / probiret / vnd die sachen nach notturfft geferberet / der gute fromme Herr durch des Großfürsten Pflaumenstreicher / Schmaruger vnd Henckersbuben / wegen Criminis lese maiestatis / zum Tode verurtheilet / dauon er weniger / als von der angelegten sache mit der giff / wuste. Wie nun alle dinge heimlich beschlossen / hat ihm der Großfürst zu erkennen geben / Sintemal sich der Türck gewendet / solt er sich wieder nach seiner Herrschafft begeben / Weiln er ihnen aber zusehen begirig / seinen heimzug auff Schloboda zu ihm nemen / vnd were zu Muscolina / so ein halbe meil daruon gelegen / ihm ablager zuhalten / albereit vorsehen. Als nun der gute Herr diese

D iij meher

mehr mit freuden vernommen / aldiweiln er sich keine beschwerliche gedanc̄en machen kundte / von nichts böses auch wuste / hat er sich neben seinem Gemahl / zweien Söhnen vnd zweien Töchtern / sampt dem ganzen / bey sich habenden Frauenzimmer vnd Hoffgesinde auffgemacht / vom wege geeilet / vnd an bestimbten ort ankommen / alda ihme der Großfürst anmelden lassen / das er ihnen des folgenden tages hören wolt. Als nun die nacht verfflossen / hat sich der Großfürst mit etlich tausent Weibern gerüffet / vnd als ob er gegen seinem Feinde ziehen wolte / auffgemacht / vnd den ort / do der gut Herr gelegen / mit großem geschrey vnd Trummen schlagen / berennen vnd belegeren lassen / vnd sich in das nechste Haus an des Herrn Andrewis herberg selbst eingelegt / do dannen den Basilij Gresenow neben Maluten Iskurtow an ihnen gefertigt / ihm anzeigen lassen / Er empfinde ihnen iso nicht mehr als ein Bruder / sondern als ein Feindt / Sintemaln er zuerweisen / das er ihm nicht allein nach seinem leben / sondern auch dem Regiment gestellet / wie dann die zubereitete gift / so er dem Koch zu Neugarten gegeben vnd ihnen vmbzubringen / mit Gelde erkaufft / dessen allen andere beweisung geschwiegen / anzeig vnd beweis genugsam vnd oberflüssig geben / auff welches auch der Koch alsbalde vorgeselet vnd bekennen müssen. Ob nun wol dieser handel dem guten Herrn ganz frembde / vnd baldt die angelegte sache vormerckte / hat er sich doch beim besten entschuldigt / vnd seine vnschulde mit kleglichen geberden / neben seinem Gemahl vnd Kindern weinende / an tag gegeben / welches doch alles wenig helfen / oder sie fristen mügen / dann er zur stundt mit Weib vnd Kinde / vor dem Großfürsten erfordert / welche als sie erschienen / auffß wehemütigst vnd kleglichst vor ihm nider gefallen / vnd vmb gnade vnd verschonung ihres lebens

bens gebeten / zum höchsten bezeugende / das sie dieser bestrüfung vnschuldig / Vnd da er sie ja bey diesem Ehrensstandt / Herrschafft / Landt vnd Leut nicht erhalten / oder bleiben lassen wolt / weren sie erbötig als Insuler vnd Clausner ihr leben an dem ort / dahin er sie senden würde / bis an ihr ende / in aller gedult zzubringen. Diese klegliche geberde / vnd erbermliches seuffzen vnd flehen / hat den Großfürsten von seiner vorgesasten Tiranny nicht bewegen mügen / sondern ihm angezeigt / die weil er nach seinem Reich vnd leben gestanden / vnd ihnen durch eine gift hinzurichten vormeinete / solt er denselbigen trunck / so er ihm bereitet / selbst trincken / mit dem / den frommen Herrn niedersagen heissen / vnd ihm den giftbecher erstlich gereicht / als er sich aber zu trincken eslicher massen gewiddert / vnd zu seinem Gemahl gesagt / die weil ich ja leider sterben sol / so wil ich mich doch selbst nicht tödten / hat sie geantwort / lieber Herr / das du die gift vnd den Todt trincken sollest / thustu nicht mit willen vnd gerne / sondern der tödtest dich mit seiner handt / der dir zu trincken gibt / vnd weiln du je sterben solst / so tödtest dich so mehr ein Keyser vnd Herrscher aller Preussen / als ein ander Henckersbub / Gott aber der gerechte Richter wirdt das vnschuldige Blut am Jüngsten tag von seinen henden fordern. Darauff der Herr den Becher genommen / sein Seel in Gottes handt beffholen / vnd getruncken / sich als baldt vbel vnd ungestüm gestellet / vnd in einem viertel einer stundt gestorben. Gleichzer gestalt seinem Gemahl vnd vier Kinder auch gethan / vnd in einer stundt alle vor des Großfürsten Angesicht ihren Geist auffgaben / vnd Gott ihre vnschuldige Seelen auffgeopffert. Als dann nach den andern ehrlichen Weibern vnd Jungkfrauen im Frauenzimmer geschickt / die vor sich kommen lassen / vnd als geredt / sie sehen wie er seine

seine Vorrechte gestrafft / vnd ob sie auch wol alle des To-
des schuldig / wolte er ihnen doch / do sie ihn bitten würden /
gnade erzeigen / wie nun dieselbigen den erbermlichen vnd
kleglichen abscheidt ihres Herrn vnd Frauen sahen / vnd
die grosse vnschuldt betrachteten / fasten sie sambelichen aus
sonderer Gottes schickung / ein Herz / vnd rufften alle
gleich / als aus einem Munde: Du Blutdürstiger Hunde
vnd Mörder vnser frommen vnschuldigen Herrn / wir
begeren nicht deiner gnade / vnd wollen viel lieber bey Gott
im Himmel / dann vnter deiner Tiranny leben / vnd blei-
ben / darumb so thue / was du dir vorgenommen vnd haben
wollest. Da ist sein Blutdürstig Herz ergrimmet / hat
sie alle nacktet auszziehen / vnd vnter das Volck lauffen las-
sen / welche sie mit Peitschen als die Hunde die Hasen /
von einem ort zum andern getrieben / hernacher zuschiessen
vnd kleglich mekigen / vnd die stück ins weite Feldt den Vo-
geln vnd Thiren zufressen hinwerffen lassen.

Anno tausent fünffhundert neun vnd sechzig / den
zwenzigsten Januarij / hat der Großfürst alle seine aus-
gesonderte Aprisona Arm vnd Reich / was streitbar gewe-
sen / zu sich gegen der Alexandrischen Schlabada betaget /
vnd als er ihm / mehr aus Gottes vorhengknus / den Leu-
ten zu straff der Sünden eingebildet / das die Stadt Neu-
garten vnd alle Bisschoffe / Elöster vnd Landvolck beschlos-
sen / sich an die Cron Polen zuergeben / ist er mit seinem
Eltesten Sohn / vnd funffzehen tausent Man / gleich als ob
er seinem Feinde begegnen wolte / den dreissigsten desselbi-
gen Manats auffgezogen / vnd sich auff ein Stedlein
Klin genandt gewendet. Als nun das greuliche sterben
der Pestilenz / so in der Moscau zwey Jahr regieret / viel
Rauffleut vnd Handwerger hingefressen / hat er von Pleso-
tow

Tow vier hundert siebenzig / vnd von Neugarten drey hundert
sechzig Bürger mit Weib vnd Kinder in die Moscau
zuziehen / vnd alda zuwonen verbottet / welchen beföhlich
keiner bey Leibsstraff vorachten dürffen / haben sich als die
gehorsamen auffgemacht / vnd als sie bey vorgemelten
Stedlein Klin ankommen / in meinung sich zu Moscau
einzustellen / vnd von des Großfürsten auffzuge / vnd vor-
haben / viel weniger von ihrem Tode das wenigste gewußt /
hat er sie mit seinem zeuge ohne alle gnade vnd barmher-
zigkeit angefallen / alles berauben vnd morden / die Kin-
der an Brüsten zu jüngst erwürgen lassen: So hat er auch
nicht einiges Menschen im Stedlein vorschonet / vnd alles
so gelebt hat / erwürgt werden müssen: von Klin ist er nach
Zorna / von dannen bis gegen Gerodla / do zimlich wolwo-
nigende Rauffleute gewohnet / vorreiset / hat alles geraub-
bet / getödtet vnd erwürgt. Als er nun vor die grosse vnd be-
rumbte Stadt Dfer / welche vorzeiten ein eigne Herr-
schafft gewesen / bis in dreissig tausent Man vermocht /
vnd sich wolche gegen die Großfürsten zur Moscau auff-
lehnen dorfften / ankommen / hat er sich erslich in ein Clo-
ster geleet / vnd die Stadt auff allen Strassen berennen
vnd vorwachten lassen / vnd den Bapst den er zuvor ins
elend dahin vorschickt / vnd den Geistlichen Stenden ih-
nen die zeit seines lebens alda zu vnterhalten zugesagt / wie-
der seinen Eidt vnd glauben durch seinen Obersten Baiwa-
ren oder Hencker Maluta Iskurtow mit einem Strick er-
würgen / vnd in das Wasser die Balga werffen / hernach
er die Bisschoffe daselbst / Epie vnd alle Geistliche / bis auff
den nackenden blossen Leib spolizren vnd berauben lassen.

Wie nun die Bürger / Rauffleut / Handwerger vnd
andere ihnen gute Hoffnung machten / der Krieg were wei-
ter nicht / dann auff die Geistlichen gerichtet / seindt sie in
zweyen

Zweyen tagen / in welchen er mit morden vnd würgen innert
hielte / sicher worden. Als er sein zeit erfahet / lieffe er allen
Einwohnern in die Heuser fallen / alles was sie hatten /
rauben vnd plündern / auch alles hausgerete was dessen
befunden / in stück zerhawen vnd schlagen / was an wahren /
als Flachs / Wachs / Talck / Heute vnd dergleichen vor-
handen / lies er auff hauffen führen vnd vortreiben / Es
muß auch kein Thür oder Fenster in Heusern ganz bleiben /
alle Thore warden zerstückelt vnd zerhawen / vnd do der
Reuber einer aus einem Haus gezogen / vnd solches nicht
gethan / wurde er als ein Vbeltheter gestrafft. Vber die-
ses hengen sie die Menner / Weiber vnd Kinder auff /
brenneten die mit Feuer / rissen sie mit Zangen / bis sie be-
kanten / wo sie ihr Gelt hetten / welches sie dann mit sich
nahmen / Es seindt auch mehr dann neun tausent Nam-
hafte Menner alda erwürget / vnd mehr hernacher hun-
der gestorben. Nach solchem hat er die gefangene Polos-
ker / derer etliche in Thürmen / auch fast mehr dann
hundert so in Heusern woneten / neben den gefangenen
Teutschen / auff Wasser die Wolga bringen / alles zerha-
cken / vnd vnter das Eys stecken lassen. Demnach er also fünf-
vingehender tag in Blut getobet / ist er in ein Flecken No-
din geheissen vorrücket / alda es gleicher weyse getrieben /
Also vollend in ein grosse Stadt mit namen Tasqua ge-
zogen / do selbst einen Thurm voller Teutschen / vnd einen
voller Tartern sitzend gehabt / Als er nun die Teutschen so
nicht allein im Thurm / Sondern auch in Ketten geschmi-
det fassen / hette vmbbringen lassen / Ist er selbst mit seinen
vornembsten Henckersbuben / an der Tartern Thurm / da-
rinnen etliche vorneme Mursen oder Herrn frey vnd ledig
fassen / gegangen / Maluten vnd andern / sie auch zu tödten
befohlen. Wie nun diese ganz sicher in den vorhoff der
gefeng

gefengnis getreten / vnd die Tartern / das sie sterben sol-
ten / verstanden / haben sie sich ergrimmet / vnd in die
Großfürstlichen gefallen / den Maluten hart vorwundet /
vnd des Großfürsten schencken / neben zweyen andern zu
Tode geschlagen / es ist auch einer vnter ihnen den nechsten
auff den Großfürsten zugelauffen / willens sein glück an
ihme zuvorsuchen / ist aber von den vmbstehenden gleich
wie auch die andern alle / jemmerlich erwürget / die ganze
Stadt Kirchen vnd Closter alle geplündert vnd verwüstet /
Domit auff ein Flecken Widerpusch gezogen vnd gleich-
er weise gehandelt. Den andern tag ist er auff Wieszna
Wolokij ein grossen Flecken / darinnen wolvormügene
vorneme Leut gewohnet / verrückt / einen tag alda still ge-
legen / vnd alles ermordet vnd geraubet / das nichts vbrig
blieben / hat auff beide seiten etlich tausent auff vierzig vnd
fünffzig Meilen ausgesandt / welche alle Flecken / Stadt
vnd Dörffer gleicher gestalt morden vnd rauben solten / wie
dann auch mit allen trewen geschehen. Ist vor sich auff
Gottilosff vnd Idross von dannen gegen Jeselbiz vnd auff
Waladal / do dannen gegen Gros / vnd also auff Saik vnd
Bramis vorreiset vnd alles verwüstet.

Als er nun die weitberühmte Stadt gros Neugarten
erreicht / hat er sich erstlich in ein Closter ein viertel der
Meilen von der Stadt mit namen Garedissa gelagert / die
Stadt berennen / vnd alle Strassen belegen lassen / den an-
dern tag die vornembsten der Stadt gefangen / den Erz-
bischoff hat er auff ein weis Mutterpferd gesetzt / in die eine
handt eine Reussische Lauten / vnd in die ander einen Nar-
renkolben gegeben / vnd ihnen damit vor sich bringen las-
sen. Volgetts alle Epte / Pfaffen / Rauffleute vnd Hand-
werker viel tausent gefangen / vnd was etwas namhafte /
denselbigen die Heuser versiegelt / vnd mit Hackenschüssen

vorwaret / vnd als er aus ihren bekentnussen / die er mit vn-
auffhörlicher pein vnd marter von ihnen erzwang / wo es
nes jeden Belt vnd die Kirchenseheze weren / vornommen /
hat er solches alles zu sich mit grossen hauffen führen las-
sen / die Kirchen vnd Clöster dermassen spoliiret / das kein
Bildnis so einen halben Guldten würdig / viel weniger ein
Glock oder Priesterlicher ornat darinnen blieben / Vnd ob
er wol ein vnzelich gros Gut alda zusammen bracht / hat er
doch die Bischöffe / Epte / Pfaffen vnd Kauffleut / also
lang auff die Schinbein klopfen vnd schlagen lassen / das
sie auch alles / was sie auff Erden gehabt / sagen müssen /
Daher ihm dann offte einer zehen / zwölff oder funffzehen
tausent bezalen vnd erlegen müssen: Was von groben wahr-
ren / als Flachs / Wachs / Zalt / Heut vnd dergleichen
funden / hat er auff hauffen führen vnd verbrennen / etlichen
auch ins Wasser werffen lassen: Seiden gewandt vnd an-
dere Kramwahr hat er seinen Aprisona vnd Henckersbu-
ben alles preiss geben. Man hat gewisse vnd warhafftige
nachrichtung / das er in Neugarten an namhaftigen
Mannes vnd Weibes personen mehr als zwölff tausent /
Handwerges vnd gemeines Volckes aber bis auff funffze-
hen tausent tödten vnd umbbringen lassen. Es ist der gros-
se weitberümbte Strom die Walga / so zwey mal grösser /
dann der Pregel bey Königsbergk in Preussen / dermassen
mit todte Körpern erfüllet gewesen / das er sich an der Brük-
ckē / gestauet / vnd an dem ort wie Blut gesebet gestandē / Es
hat einer aus seiner Aprisona / aus sonderlicher erbernde
einer armen Witwen ein Brodt bezalt / vnd vmb sonst
nicht nemen wollen / als dieses vor dem Großfürken kom-
men / hat er denselbigen sambt der Wittib enthaupten /
vnd beide Tode Körper mit dem Brodt öffentlich auff dem
Markt drey ganzer tag liegen lassen / In Summa es ist
nicht

nicht auszusprechen / was elendes / sammers vnd noth wir
ausstehen vnd mit vnsern augen ansehen müssen: Alles
Getreide auff dem Felde / so wol in Stedten vnd Dorffern
lies er vordbrennen / vnd zu nicht machen / das auch ein sol-
cher Hunger hernach volgte / dergleichen seit der zerstörung
Hierusalem / nicht gehöret noch gelesen / es ist vngleichlich
zuhören / bey der höchsten warheit aber / die Gott selber ist /
an dem also / das Leut einander gefressen / sie haben etliche
Tode aus den Grebern gezogen / vnd die neben andern vn-
natürlichen / vnd sehewlich zu schreibenden dingen / in sich
gefressen / darauff dann ferner ein vnsegligh sterben vnd
Pestilenz gefolgt ist. Vnd nach dem der Blutdürstige Ti-
rann sechs wochen vor Neugarten gelegen / die Stadt vnd
vmbliegende Landschaft / bis in ein hundert funffzig Meis-
len rings herum vorwüstet / gemordet vnd todt geschlagen /
hat er sich nach der Plechcow erhaben / vnd als er do-
selbst viel tausent Menschen erwürgen / vnd die vbrigen zu
Betlern machen lassen / hat aus eingebung Gottes / oder
wohin es zudeuten / ein armer Mensch mit namen Nicola /
den sie des ortes mehr als einen Menschen / vnd fast einem
heiligen Propheten gleich achteten / zum Großfürsten ge-
schickt / vnd ihm sagen lassen / er solt zu ihm kommen / des-
sen er sich nicht gewegert / vnd als er vor das Haus kom-
men / hat ihm vorgemelter Nicola durchs Fenster zuge-
schrieben / Iwaslij Iwaslij / wie lang wiltu vnschuldig
Blut vorgießen / Gedenc vnd zeuch als balt von himmen /
oder dich wird ein gros vnglück oberfallen / auff welche er-
manung vnd dremen / ist der Großmechtig Tiran / so vor
die ganze Welt fressen wolt / geflogen / sich vngeseumet auff-
gemacht / als ob ihn der Feindt getrieben / Also hat ein ar-
mer Mensch vnd vnuormöglich Betler einen Keyser / mit
viel tausent streitbaren Mannen / durch ein einziges worde
erschreckt /

erschreckt / das er sich auch mit geringer anzahl flüchtig hin-
weg gemacht / vnd allen seinen Schatz den er geraubet / hin-
ter sich gelassen / der erst ihm lang hernach zugeführet wor-
den.

Wie er wider die in Schloboda gelanget / hat er zwo
grosse vnd gewaltige Kirchen zubawen angefangen / vnd
solches zu sonderlicher Buswirkung seiner begangenen
Sünde / dieselbige mit den geraubten Glocken / Bildern
vnd andern zirt geschmückt / vnd ihm diesen wahn gefast /
das ihm solche seine Sünde genstlichen vorgeben / vnd er
mit Gott gar wol daran sey / vnd demselbigen vorsümet.
Nach vorrichtung dieser ding / vnd als er vormeinete sein
ganges Landt geseubert vnd gefezt zuhaben / hatte er noch
dreihundert vffgezeichnet so sterben solten / weilt er aber der
Königlichen Maistat zu Polen / gesanten / vnd Herzog
Magnus ankunfft in der Muscow gewertig / hat er der ver-
urtheilt / vmb der frembden willen / damit sie auch Leut
in der Mostaw sehen mochten / verschonet / so baldt aber
diese Herren ihren abzug genommen / hat er nach dreyen
tagen / mitten auff dem grösten Markt ein Schranck auff-
schlahen lassen / vnd sich mit seinem eltesten Sohn vnd et-
lichen tausenden ausgesonderten oder Aprisana / so alle ge-
wapnet / auff den platz vorfüget / vnd die vorzeichnete alle
nacheinander vor sich bringen lassen / darunter sein Schatz-
meister Mikida Fumkij / vnd oberster Cansler Zwan Wis-
kewad / den er doch als seine eigene Seele geliebet / mit ge-
wesen / hat erstlich den Schatzherren an einen Pfal bun-
den / in einem Kessel dabey heis siedent wasser machen / vnd
ihnen damit so lang begieffen lassen / bis er seinen Geist auff-
geben. Den obersten Cansler hat er auff ein Bret lassen
binden / vnd am vntersten gliedt lassen anfahren zu schnei-
den vnd zusfleisch / bis oben an das Haupt / das nichts
vbrig

vbrig blieben / die andern alle nach ordnung an die schranck
binden lassen / deren er / so wol der Sohn etliche mit ihren
Spiessen durch stochen / etliche gesiebelt / vielen lies er aus
der lebendigen haut Riemen schneiden / viel ganz lebendig
schinden / etlichen musste man erstlich ein arm oder bein ab-
lösen / dann erst den Kopff abhawen / etlichen den leib mit-
ten durch / darnach Arm / Bein vnd Haupt zerhawen / In
Summa / er lies diese dreyhundert Man auff solche man-
cherley vnerhörter weise hinrichten / dergleichen von keinem
Tyrannen weilt die Welt gestanden / gehöret oder gelesen
wird / vnd wolt den Leser vberdrässig machen / wann eines
jeden insonderheit nennen / vnd wasser gestalt er getödtet /
beschrieben würde / zu was abbruch aber seines Reichs / die-
se gemelte Tiranny gereicht / wolle ein jeder bey sich vor-
nünftig vnteilen.

Als er nun allen seinen mutwillen vnd Tyrannische
begierden / an viel tausent vnschuldiger Seelen erfüllet
hatte / wolt der Allmechtige Gott ihm dem Tyrannen
auch das erfüllen / welches er oft vnd vielmals gewünscht /
Nemlich das er die Stadt Muscow der einest in eitel Roln
vnd Aschen sehen möchte / etc. Erwecket dervwegen seinen
ungeachtetsten Feindt / den Tartar Krimbskij / der zog im
Maio Anno 1570. mit vierzig tausent Man zu Felde /
als solches der Großfürst durch kundtschafft vornommen /
rüstet er sich mit ganzer macht / zur gegenwehr / nam alles
mit was nur im Landt auffzubringen / er auch selbst mit sei-
nem eltesten Sohn war personlich im Felde / in Hoffnung
wann der Tartar sein selbst gegenwart vorneme / er würde
ihm den Kopff nicht bieten / Sondern wider wenden / Wie
aber der Tartar in seinem vorsatz vorharret / dem Groß-
fürsten mit höchstem ernst vnd tapfferkeit zu begegnen / vnd
sich vber den grossen Strom die Dca / welcher dem Groß-
fürsten

fürsten mehr dann funffzig Meilen im Lande vnd achtzehen Meilen von der Muscaw rinnet / mit seinem Kriegsuoel vnd höchster beschwerung vnd gefahr gelassen / Ist ihm der Warwoda Michael Waradinskij / der das Landuoel / so viel der noch vbrig blieben / führete / vnter augen zogen / vnd als ihm der Tartar zu mechtig / ist der Moscovitisch hauff zeitlich erlegen / der Warwoda aber kümmerlich entrinnen. Nach dem er dem Großfürsten geschrieben / so er ein rechter vnd wahrer Keyser des Reussenlands were / wie er sich dann alweg rühmete / vnd ihnen vorachtete / so solt er ihm ein ort vnd Stadt ernennen / das er sich mit ihm / als zweyen Keysern vnd Feinden gebürete / befehen möchte / Er vor sich wolt gewiss erscheinen / vnd weiln er ihm wol bis in zweihundert Meilen aus seinem Reich nach gezogen vnd gesucht / hoffte er ihn nu mehr zu finden. Der Großfürst so nur fünf Meilen von der Muscaw / vnd zwölf Meilen von den Tartern sein Lager geschlagen / hat sich ob diesen zeitungen / sonderlich das ihm das nackte wehrlose Volk vnd Viehische Menschen / so weit ins Lande gerückt / fast entsetzt / auch dermassen / das er in der stunde / mit seinem gansen Heer auffgebrochen / vnd in tag vnd nacht fünf vnd zwenzig Teutscher Meilen gewichen / Die Muscaw vnd seine Blutgrube die Alexandrische Schloboda sampt dem gansen Reich hinterlassen / bis er an den Strom die Balga / vnter ein Schlos Jereslow genande / funffzig Teutscher Meilen von der Muscaw wider einen standt begriffen / kundtschafft ausgeschiedt / wohin sich der Tartar lencken möchte. Der Tartar / ob er wol von seinen abgefertigten keine antwort bekommen / hat nichts wenigens fort gefahren / vnd sich in des Großfürsten lusthaus zu Colomien vnter der Moscaw gelegt / seine drey Söhn aber zu Warabei zu nechst an Muscaw ihr Lager nehmen

nehmen lassen / den ersten tag etliche tausent vmb die Muscaw zubrennen vnd zureiffen ausgesandt / des andern tag es ober zwenzig tausent rings vmb die Muscaw geschickt / dieselbige an allen orten anzuzünden / welches alles glücklich nacher gangen / Vnd nach dem sie erstlich hin vnd her / die Heuser beraubt / die Leut todt geschlagen / in das ober Schlos gedrungen / vnd da Herfür allerseits angezündet / haben sie wegen des obergrossen Feners vnd rauchs wider zurück weichen müssen / zu dem hat sich am Himmel ein gewüch vnterhort wetter von Donner vnd Blitzen ohne einigen regen erhaben / das alle Menschen vormeine / Himmel vnd Erden würden vntergehen / Ja das sich der Tartarisch Keyser selbst entsetzt / vnd etwas zurück gewichen / in dreyen stunden aber ist die Muscaw / vnd sonderlich die gebewde von Holz / so gar rein abgebrunnen / das man auch nicht ein Psal funden / daran man ein Ross binden mügen / Das Feuer hat auch das Puluerhaus begriffen / vnd an demselbigen mehr dann funffzig faden Mawn mit alle Gebewden eingeworffen / alle die Stadthor vortbrennet / vnd sind in solcher brunst mehr dann hundert vnd zwenzig tausent Menschen die beschriben vnd zuzeiten / ohne Weib vnd Kinder / sampt dem armen Bawruoel / welches von allen orten dahin geflohen / vorbrandt / erstickt vnd erschlagen worden. Summa / es ist nicht möglich den kleglichen zustandt zubeschreiben / vnmöglicher ist es denen so die gelegenheit nicht wissen / viel weniger gesehen / zugleuben. Die Muscovitische bach / als sie fast mitten hindurch rinnet / ist vor grosser hitze erwermet / vnd von dem Blut gefarbet worden / vnd als man auch nicht vmb zehenfach gelde Leut haben mügen / die die Todten vnd verschmachten Menschen begraben wolten / vnd solches an den Großfürsten gelanget / hat er befohlen die todten Körper alle in die

Bach zuwerffen vnd hinfchwimmen zulassen/ Als man sol-
ches angefangen/hat sich die Bach von den todten Körpern
gestauet/vnd wie ein hoher Berg oder Dammben dermassen er-
höhet/das das Wasser sein lauff nicht haben können/vnd
weiln die Brunnen verfallen/die oberbliebne Leut aber sich
des Wassars am Bach zur notturfft erholen müssen/ist
grosse noth vnd wehklagen erhöret/ Derwegen der Groß-
fürst aus allen enden Leut schicken müssen/die die Körper
wider heraus gezogen/vnd begraben. Der Tartarisch
Keyser/welcher allen seinen willen begangen/den Groß-
fürsten aus dem Felde gejagt/die grosse Stadt Muscow
nicht allein zu Aschen gebrandt/sondern auch bis in sechs
vnd dreissig vnterschiedliche Herrschafften vnd Gebiet
durchzogen/vnd in solchem Zuge viel tausent Menschen
erschlagen/ober hundert tausent gefangen/vnd dieselbi-
gen mit einem vnseglichen vnd vnzalbarn Viehe/neben
grossen tewren Scheszen hinweg getrieben/war anseufz-
lich willens/dem Großfürsten nach zuziehen/vnd ihnen
zunoruolgen/als ihme aber kundtschafft zukommen/das
Hertzog Magnus mit funffzehen tausent Man im anzug
den Großfürsten zu entsehen/diese zeitung glaubte/vnd
sich bedünckel lieffe/das er fast weit ins Landt gezogen/
vnd dieses mals den sachen gnug gethan/hat er dem glück
weiter nicht vertrauen wollen/vnd sich wider zu ruck ge-
wendet/vnd als er etlich tag gezogen/hat er einen mit ei-
nem Sebel an den Großfürsten zurück gefertiget/ihm anzu-
zeigen/er solt nicht zürnen/was er dieses mals an ihm ge-
übet/sich auch nicht vorlangen lassen/er wolt baldt wider
kommen. Auf diese zeit hat der Großfürst seinen Schwa-
ger Knäes Michael Zimmeruck aus Circassen/dessen
Schwester er zur ehe gehabt/zum obersten Feldherren/
seine Aprisona gegen dem Tartarn zuführen verordnet/
vnd

vnd allen befehlich schriftlich vnd mündlich vbergeben.
Wie nun der gute Herr im anzug/vnd etwa auff sechs
Meilen verrückt/hat er ohne allen fug/vrsach vnd recht/
ein Psal durch ihnen dreiben vnd auffrichten/ihnen also
jemmerlich vnd erbermlich hinrichten lassen. Nach diesen
dingen/ist er wider in seine Nordgruben zur Schloboda
ankommen/vnd auff angeben eines vorlauffnen vorschelm-
ten Doctors/dessen name Eliseus Phamelius/auff ein
andere weise die Leut umbzubringen angefangen/vnd erst-
lich seinen geheimeten Lemmerling Gregorj Gresenow/
welcher ihnen allezeit aus vnd anthun müssen/durch be-
rürten Doctor eine gift geben lassen/darnach seinen Hoff-
marschalck Knäes Iwan Knostick Rastowstikj vnd vielen
vornemen Leuten/derer bis in hundert gewesen/gleicher
gestalt auch thun müssen. Er hat auch dem Doctor all-
weg beschriebene ordnung gebt/wie lang er einen jeden mit
der gift quelen sollen/einer vnter weilen zwo oder drey/we-
niger oder mehr stunden/etliche ein tag/manchen tag vnd
nacht/peinigen lassen/wie es seinem Tyrannischen herten
offt eingefallen/Den obersten Waiwoden so vor Keuel
gelegen/Iwan Petrowis/Jacob Teran Zachario/vnd
seinen Bruder Wasilij/des Jungen Herrn Hoffmeister
vnd nahe verwanten/die vornembsten so er domaln am
Hoff hatte/hat er durch seine Aprisona so lange mit prü-
gelen schlagen vnd martern lassen/bis sie ihr leben auffge-
opffert.

Den Leu Saltikow seinen nechsten Naht ins Closter
Tromis verschickt/darnach tödten lassen/Seinen obersten
Schencken Phydro Saltikow/hat er zu ewiger gefengnis
verdammnet/vnd also/so wol vnter seinen Aprisona/so wol
vnter den Semdskj oder Landtmolet/rasender weise gewäl-
tet/vnd getobet/auch alles so von vornemen Leuten/der-
massen

massen vffgerümet/das er niemandt mehr/dann citel niedertrechtige Henckersbuben vnd Junge Lappen vmb vnd bey ihm blieben. Bey vnd neben diesem ist vor gut angesehen / zumelden / wie vnd wasser gestalt er sich / neben seinem eldesten Sohne Anno 1571. wider verheiratet. Ansfenglich Anno 70. hat er an alle örte / so weit sich seine Landtschafft erstreckt / etliche personen ausgeschiedt / alle Jungfrawen / hohes vnd nidrigen standes / Jung oder Alt zubefichtigen / ihre namen / alter / lenge vnd gestalt / zubeschreiben / damit in demselbigen kein wechsel oder betrug geübet / vnd dieselbige alle / derer bis in zwey tausent gewesen / nach der Schloboda bescheiden. Als sie nun versamlet / hat er die alle nacheinander/darzu er dann fast ein Jar zeit genommen / besehen / welches also zugangen. Die Jungfraw so sich auffts schönst vnd hübschest puzen vnd schmücken müssen/hat er allein in ein darzu vorordnet haus bringen lassen / dahin er mit zweyen oder dreyen vertrauten dienern/auffts sauberst heraus gestrichen/auch kommen / vnd wann er ins gemach getreten / sie gegrüßet / etliche vnterrede mit ihr gehabt / vnd wol beschawet / ist er wider abgeschieden / solcher gestalt hat er sie alle besehen / die er ihm zuvorheiraten nicht gefellig / brauchte er zur schandbaren fleischlichen wollust / gab ihr etwas / vnd verheiratet sie vnter seine Aprisna / vnd Henckersbuben / etliche würden wol gar ledig ausgestossen/bis jr vnter diesen allen vier vnd zwentzig vbrig blieben / die er ein gute zeit beysamen behalten / hernacher zwölff vnter denselbigen wieder gesunderet. Den 26. Junij ein vnd siebenzigk aber / hat er zum ende geeilet / vnd schliesslich die er vor sich vnd seinen Sohn haben wolte / auserwelet / dieser gestalt / Sie haben alle ihr gezierde vnd kleider ablegen / vnd also nacktet vnd bloß ohne alles widerstreben stehen / vnd sich wol besehen lassen müssen/

müssen / denen allen dann der Doctor den Harm im Glas besehen / vnd was Natur / gesundheit vnd eigenschafft jedere were / iudiciret / vnd als er sich wol besonnen/hat er ihm eines vngerechten Rauffmans Gregorj Rabbado zu Neugarten Tochter/der Sohn aber eine aus dem Stifft Pleischkow / von dem Saburrow erwelet / vnd beyde zugleich auff folgenden Michaelis desselbigen Jars hochzeit gehalten. Was viel verfluchter/Barbarischer/Seuischer gewonheit vnd schendliche lesterliche breuche bey ihm auff der hochzeit getrieben vnd gehalten worden / ist abschewlich zuschreiben / Wir haben solchs nicht allein auff dieser hochzeit / sondern auch / do ihm die Circassin des Zimmerucks Schwester jener zeit beygelegt worden / zimlich wol erfahren. Aus allen diesen erzelten Tyrannischen henden/haben vornunfftige Leut / sonderlich die benachtbarte Christliche hohe Potentaten vorstendiglich abzunehmen / wie der allmechtig Gott aus sunderlicher vorhennnis den grausamen Tyrannen / durch sein eigen Schwerdt geschwecht / in dem / das er seine beste Leut / auff welche er sich zuvor zu verlassen gehabt / selbst auffgerümet / vnd numehr seinem aller geringsten Feinde dem Tartarn Krimbskij / welchen er zuvor gar vorechtlich gehalten / nicht widerstandt zuthun vermag. Iso solten alle benachtbarte anstossende Lande vnd Regenten wie dem Hunde / ferner in diesem zustande abzubrechen/bedencken/den handel mit einhelligem gemüt / ernst vnd Tapfferkeit angreifen / vnd erwegen / was grosser nutz heil vnd vorteil allgemeiner Christenheit / wann im sein macht dieser zeit ferner zu grunde vnterbrochen / vnd ehe denn er sich wider erholet / erwachsen künde vnd möchte. Vnd were in warheit jriger zeit was tapffers auszurichten / weiln ihm alle seine vberbliebene Vnterdane / wegen bis dahero geübter vnd noch teglich werender vn-

grew vnd vnerhörter grausambster Tyranny / von Herben
feinde / vnd nichts liebers dann andere Obrigkeit wün-
schen / vnd sich darnach sehnen / auch teglich ohne vnterlas
bitten / das sie Gott der HERR der einest von dieses Wä-
terichs blutdürstigen toben / erlösen wolle.

Das aber etliche vnerfarne mit grosser vnbescheidenheit
vorgeben / das wann gleich der Moscoviter auffgereumet/
man viel eins grössern vnd mechtigen Feindes an dem
Tartarn zugewarten etc. Hierauff ist zu antworten / das
die / so dergestalt von sachen reden / derselbigen keinen
grundt haben. Dann erstlich hat das Muscovitisch Reich
an sich liegen den Tartarn Krimbskij / welcher dem Tü-
rkischen Keyser gehorsam vnd zinsbar / derselbige ist an
höchster macht / wann er alles so Sebel führen kan / auffbrin-
get / vierzig tausent stark. Nun liegt zwischen jet gemel-
ten Tartarn vnd der Muscovitischen grenze / das grosse
weite Tartarische Feldt / do weder Haus noch Hoff / Holz
oder anders / Sondern nur Himmel / Erden vnd Gras
zusehen / das sie auch etliche tagreisen / ehe dann sie den flus
Tanais erreichen / ihre Kleider die nacht auffs Erdreich
breiten / vnd den Taw / sich damit zuerquickten / auff fangen
müssen / haben mehr als ein hundert neunzig Teutscher
Meilen / bis an die Muscovitische grenze / vnd darzu vber
die zwey grosse Schiffreiche Wasser / die Docta vnd Deca /
anderer Wasser die sie hintern / geschwiegen / zuschwim-
men

Ferner seindt andere Tartarn zu Kasan vnd Astrakan
gewesen / die seindt von dem Großfürsten zum teil mit ge-
walt / zum teil mit güte / als sie seinen gegebuen Brieffen
vnd Sigeln zumiel getrawet / aber dardurch vorführet / der-
massen vnterbrochen / das sie weniges oder fast keines vor-
mügens mehr / dann er durch vmbwechsel von Jaren zu
Jaren

Jaren Kauffen der ende eingepflankt / vnd sie dargegen
herab gefähret / das derer wenig vbrig / sonderlich in vorge-
horter Tyranny / beyde Tartarn vnd Kauffen also vortil-
get / das in funffzig oder sechzig Meilen / weder wonung
noch Menschen mehr gesehen werden mügen. Die dritten
Tartarn heissen Nagair / fangen ihre Grenke bey fünff
hundert Meilen von der Muscow / ober dem grossen Strom/
die Balga / jenseit Kasan / an / seindt wol zu Tamerlanis
zeiten mechtig genug gewesen / Aber durch stetig Tyranny /
so sie teglich vnter sich geübet / vnd noch treiben / seindt sie /
so wol das Muscovitisch Reich machtlos worden / vnd sol-
ches aus der ursach.

Nach dem sie keinem einzeln Herrn oder Heupt vor-
bunden oder gehorsamen / haben / oder bawen sie auch / we-
der Stadt / Dörffer noch Heuser / gebrauchen sich keiner
Münz / Korns oder Salzes / allein das sie Pferde / Schaff /
Rinder vnd Camel erziehen / vnd sich darvon neren.

Vnd ziehen also die Mursen oder Herrn mit allem ih-
rem Viehe / Hab vnd Gütern auff vnd nider / bleiben sel-
ten vber drey tag an einem ort / ihre wonung vnd gröste
herligkeit ist wie alhier ein grosser Küstwagen auff hohen
Rädern / mit dreyen vnterschiedlichen sachen / In dem er-
sten liegt der Herr / im andern seine Weiber / im dritten
fähret er seinen Plundern von Peltz vnd Filsen vnd der-
gleichen / hinten am Wagen hangt ein grosse Flaschen von
Leder / darinnen vorwaret er die Milch von Küen / Mut-
terpferden vnd Camelen / alles ohne vnterscheidt zusamen
gegossen / das giret vnd kochet sich dermassen vnter ein-
ander / das sie sich auch ganz vol daran sauffen können /
Selten wird bey ihnen ein gesunde Ross / Rindt / Camel
oder ander Viehe zuessen / abgethan / Sondern was franck
vnd gestorben / wird abgeschunden / vnd gekocht / Das
Fleisch

Fleisch aber essen sie ohne Sals vnd Brodt/die Suppe sauffen sie mit Bechern/welches alles den fürnembsten gehört/ Die Knecht mügen das Wasser von Camelen oder Mutterpferden aufffangen/ oder sich am Wasser aus den Sümpffen so sie graben/ erholen. Welcher Mursa oder Herr nun mechtiger vnd gewaltiger/ der schlecht den andern todt/ vnd nimpt das seinige in seinen nutz/ vnd welcher also den andern ermordet/ wird vor ein tapffern Man angeschrieben vnd gehalten/ werden der hiemit ohn vnterlas viel erschlagen/ dann weder Recht/ Richter noch gericht im Lande.

Anno tausent fünffhundert drey vnd siebenzig/ ist bey ihnen ein grosser Mursa mit namen Ismael/mit einem Aug/in grossem vormügen gewesen/ ein vberaus grosser Zeuberer/ die dann bey ihnen gar gemein/ vnd je fertiger er der kunst/je mehr er geehret wird. Dieser hat durch das gewitter/Donner/Hagel/vnd Pliß/die andern Mursen die er selbst zu tödten nicht vormocht/ alle darnider schlagen vnd vortilgen lassen/ vnd mit dem viel tausent vmbbracht/ in hoffnung/die andern alle zu gehorsam zubringen/ Es ist ihm auch wol anfenglich glücklich nacher gangen/wie er aber gestorben/ ist an seinen Kindern/ gleich wie er andern gethan/ widerumb gethan vnd geübet worden. Vnd haben sich die zeit daher die Nagaler dermassen vnterlang selbst hingericht vnd gemehiget/ das sie machtlos vnd ganz voracht würden.

Die Tartarn aber so bis anhero dem Großfürsten nach Liefflandt vnd Littauen gedienet/ der ist vber tausent oder zum meisten funffzehen hundert niemals gewesen/ vnd bringet sie hunger/noth vnd kummer zu solchē dienst/ vmb ganz elender geringe besoldung willen. Seinde aber iniger zeit dem Großfürsten alle auffsezig/ haben auch

auch vorgangenes zugs dem Krimmischen Tartarn beystandt/vnd mit rauben vnd brennen gute gesellschafte geleistet. Derwegen haben vorstendige Leut zuerachten/ wann gleich des Großfürsten macht/ ja gleich sein Reich gar vnterdrückt/ das man sich vor diesem nacketen/ wehrlosen Volck dem Tartarn nichts zubeforgen/ oder ihrenthalb zufürchten.

Solte aber diese bequemigkeit/ ihnen den Hunde anzugreifen/ iso vnterlassen werden/ müste es ein sonderliche Göttliche vorsehung sein/ Die vmbliegende Nachbarn vnd Potentaten durch ihnen/ so bald er sich wider erholen/ vnd sich seinem vorsatz nach/ mit dem Türcken vortreiben würde/ als mit einer Ruten oder Geißel zustraffen. Gott der Allmechtig geb allen denen/ welchen dieser be-
richt vnd warnung zum besten gemeinet/ vnd an tag

geben/ seine gnadt/ das sie es zu ihrem gedeien/
auffwachs/ nutz vnd frommen wol bedens-
cken/ vnd sich bey guter zeit
in die sachen recht schick-
cken mügen/
Amen.



ⓐ

Dem

Dem Allerdurchleuch-
chtigsten vnd Vnüberwindlichste Für-
sten/ Herrn Caroln/ dem fünfften Römischen
 Keyser/ zu allen zeiten mehrern des heiligen Reichs in
 Germanien/ zu Hispanien/ beyder Sicilien/ Jerusalem/
 Hungern/ Dalmatien/ Croatien/etc. König/ Ershertzog
 zu Osterreich/ Grafe zu Habsburgk/ etc. vnsern allerge-
 liebsten Freundt/ vnd grossen Bruder/ vnd in abwesen
 dem Durchleuchtigsten/ Grosmechtigsten Fürsten/ vnd
 Herrn Ferdinanden Römischen auch zu Hungern/ Be-
 hem vnd Schlauonien König. Auch Ershertzog zu
 Osterreich/ Hertzogk zu Burgundi/ etc. Grafe-
 fen zu Habsburgk/ Flandern vnd Tirol etc. sei-
 ner Grosmechtigkeit im heiligen Reich
 Stadthalter/ vnsern auch ge-
 liebsten Freundt vnd Bru-
 der zu antworten.

Wir Johan von Gottes gnaden /
 Keiser vnd Herr aller Reussen zu Wo-
 lodimierien in der Muscow bey der Neu-
 garden zu Pleseaw zu Schmolensko/ zu
 Twerien/ zu Jugarien/ zu Permien/
 zu Verhien vnd zu Bulgarien/ etc.
 Großfürst/ Deringo zu Kazansew/ zu
 Wolosko/ zu Bilersch/ Kostoro/ zu Jerafla/ zu Bili-
 ser/ zu Bderisch/ zu Oberrist/ vnd zu Conditschen/etc. vnd
 vieler vnd anderer grossen Lender vnd Herrschafften/ in
 Schitien vnd Sarmatien/ gewaltiger besitzer vnd regie-
 rer /

rer/ Herr in Eutopen vnd Asien/ wünschen vnd entbie-
 ten/dem Allerdurchleuchtigste/Grosmechtigsten vnd Vn-
 überwindlichsten Fürsten/ Herrn Caroln dem fünfften Rö-
 mischen Keyser/ zu allen zeiten mehrern des heiligen Reichs
 in Germanien/ zu Hispanien/ beyder Sicilien/ Jerusa-
 lem/ Hungern/ Dalmatien/ Croatien/ etc. König/ Ersh-
 zertzogk zu Osterreich/ Hertzogen zu Burgundi vnd Bras-
 bant/ etc. Graffen zu Habsburgk/ Flandern vnd Tirol/etc.
 vnsern allerliebsten vnd größten Bruder viel gesundheit/
 glückliche/ langwirige regierung vnd wolffahrt/ sampt al-
 ler freundtlichen zuneigung vnd liebe/ die wir in warheit
 vermittels Göttlicher gnaden nicht weniger von ewer
 Grosmechtigkeit zuuernemen/ ganz begierlich seindt.
 Durchleuchtigster/ Grosmechtigster Keyser vnd geliebster
 Freundt/ nach dem wir vor acht Jahren erschienen be-
 nantlich der wenigern zall Christi/ in dem acht vnd funff-
 zigsten/ aus Christlicher affection/ anmutung vnd nei-
 gung/ so weiland vnser Vorfaren/ die Grosmechtigen
 Keyser/ in Reussen/ vnd fürnemlich der Durchleuchtigst
 Keyser Basilius/ vnser geliebster Vater/ seligster gedech-
 nus/ vnd wir selbst zu den Vnüberwindlichsten Keysern des
 heiligen Römischen Reichs/ vnd der löblichen streitbaren
 Teutscher Nation getragen/ vnd denn auch aus angebor-
 nem hasß/ so wir wider die Erbfeinde vnser H. Eren Chri-
 sti allzeit haben/ auch hoher geburt vnd liebe/ so vns zur
 forderung der ehre Gottes/ vnd auffbringung seiner heili-
 gen Kirchen/ eingepflanzet/ vnd ob allen dingen angelegen
 ist eigner bewegnus/ durch einen vnsern Gesanten vns mit
 ewer Grosmechtigkeit/ vnd dem Römischen Reich/ etc. in
 mehrere Freundschaft vnd Vrbündnis zubegeben/ vnd ge-
 gen dem grausamen vnterdrücker vnd verderber gemeiner
 Christenheit/ dem Blutdürstigen Türcken/ mit einer treff-
 lichen

lichen zal Gelts vnd Volcks starcke hülffe zuthun/freundt-
lich anbieten. Darzu auch das wir zu einigkeit vnd ver-
gleichung warer Christlichen Religion / nach allem ver-
mögen / stellen vnd helffen / vnd so ein frey general / oder
anders National Concilium oder versammlung in Teut-
scher Nation gehalten werde / dasselbe auch vnserer Geler-
ten zubefuchen / vnd auff statliche vereinigung mit der La-
teinischen Kirchen zu handeln vnd zuschliessen / vertroöstung
thun lassen. Damit wir auch solchs desto bass vnd be-
quemlich in volziehung bringen mögen / so haben wir durch
obgerürten Gesandten etliche hochgeachte Theologos vnd
heiliger Schrift gelerete personen / vns zuuorgönnen an
eurer Großmechtigkeit sinnen lassen / die wir in vnser Land
beruffen vnd auffnehmen / sie vnserer Sprach / Religion /
Ceremonien vnd Sitten berichten / auch hinwiderumb
von ihnen der Lateinischen Kirchen / Glauben / bekent-
nus / Gottesdienst vnd gebrauch volkomentlich erlernen
mochten / Das also / wen ein Concilium oder National
vorsammlung fürgenommen würde / wir vns als den viel ge-
ringer in verglichung zuschicken hetten. Daneben wir
auch von der Illustrirung / Reformation vnd besserung
wegen / vnser Fürstenthumb vnd Landen / dern wir viel den
Barbaren abgenommen / vnd noch teglich abzugewinnen
nicht vnterlassen / vmb etliche Doctores beider Rechten vnd
erfarne / hochuerstendige Menner / in allerley Weltliche
sachen vnd hendeln anhalten lassen / die gemelte vnartige
Land vnd Leut / durch ihre geschicklichkeit in bessere Ciui-
tet / ordentlichere Policiey vnd Bürgerlichs leben vnd wes-
sen / zubringen. Desgleichen auch nach guten Meyern
gestelt / herrliche schöne Kirchen vnd Gottshäuser an den-
selben örten machen zulassen.

Ferner

Ferner habn wir künstreiche Bawmeister vnd Werk-
leute bezert / die vns auff den frontiren vnd grenzen wider
die vngleubigen Barbaren einer seits die Tartern vnd an-
dersteils die Scythier gewaltige starcke / feste Schlöffer
vnd vngewinliche vorwehre bawen solten / vnserer Christ-
liche Land vnd Barcherdanen / vor ehegerürtes Volck
vbersal vnd streiffzügen zubeschützen vnd zureiten. Vnd
folgents / das wir dieselben vnserer besetzung mit nottürff-
tiger munition vnd artalarey vorsehen / vnd mit wolgerü-
sten / bewerten Kriegseuten vnd Hackenschützen besetzen
mochten / haben wir vmb Büchsengeisser / Puluermacher /
Büchsenmeister / Platner / Waffenschneider / Panzer-
macher vnd dergleichen werbung zuthun befohlen. Wel-
che werbung vnd andringung vnserer gesandten / eurer
Großmechtigkeit ganz gnediglich vnd gern angehört / vnd
vernommen / vnd dieweil sie freundlicher zuuersicht / das
solch vnser vorhaben / ganser gemeiner Christenheit zu
merklicher auffnehmung / gedeien vnd gereichen / auch zu
sondern auffgang vnd erweiterung der Kirchen in vnsern
Landen / dienen werde / vnd dann auch zu angedechtnus
der alten freundlichen verwandtschaft vnd bündnus / so
sich zwischen hochgedachten Keyser Basilio vnserm Va-
ter / vnd weiland dem Allerdurchleuchtigsten Römischen
Keyser Maximiliano eurer Großmechtigkeit anhern seliger
gedechtnus / erhalten / vnd noch bisher vnter vns / vnd dem
Durchleuchtigsten / Großmechtigsten Fürsten vnd Herrn Fer-
dinanden / Römisch / auch zu Hungern vnd Behem König /
eurer Großmechtigkeit geliebten Bruder erhelte / haben sie
gedachten vnsern begern freundtlich stadt gethan / vnd be-
melten gesandten gnediglich vergont / nicht allein im hei-
ligen Reich / sondern auch in ihren eignen Fürstenthümen
vnd Landen / also tügliche gelerete vnd geschickte Leut auff-

G iij

zume

zunemen / vnd in vnsern dienst zubringen / ihme dem Gesandten auch / solches ewres Keyserlichen vergunst vnd erleubnis / öffentlich verkund / zeugnis vnd Beletsbrieffen von mehrer sicherheit wegen / eins freyen vnuorhinderten durchzugs / bis auff vnser Landtgrengen gnediglich mitgeteilt vnd gegeben / wie auch darüber mit ennem sonderbarn special schreiben / von ewer Großmechtigkeit an ons selbst lautend / vnd in der Stadt Ausspuck in Schwabenland gelegen / den letzten des Monats Januarij obberwerts 48. Jahrs ausgegangen / versehen vnd abgefertigt / welche schreiben viel freundlichen hohen erbietens / das ewer Großmechtigkeit oberzelts vnser als zu gemeiner Christlichen Kirchen nutz / hoch ersprieslich fürnemen zu befördern ganz freundlich gemeint vnd bedacht / vnd im beschluß / das wir ons zu derselben ewer Großmechtigkeit als zu einem Rechtgeschaffenen waren Freundt / alles liebs vnd guts / vnd freundlichen geneigten wilfarens endlich vnd gewisslich versehen vnd getrösten sollen / in sich helt / das ons denn in der warheit / wie auch billich / herrlich hoch erfrewet / thun ons auch dessen gegen ewer Großmechtigkeit auff das freundlichst bedancken. Aber dagegen bedawret ons grösslich / des vielgemelts schreiben im Original gar nicht / sondern allein derselben Copey / vnd dennoch gar spat (als ist neulicher zeit) von wegen das vnsern Gesandten etlich allerley ver hinderung vnd auff halten / in seinen widerkomen zu ons / begegnet zukommen / welcher vorhinderus wir doch warlich kein andere ursach erachten noch vermuten mögen / denn das dieselben viltliche fürsorge tragen / so vnser fürnemen vnd erbeiten zu gemeiner Christenheit wolffart in wirkung gezogen werde / das dadurch ihre Primat eigen nützigkeit / so sie mit
Kauff

Kauffmanschafft in vnsern Landen suchen / etwas schlemlerung vnd abbruch geschehen möchte. Wiewol wir in gleybige erfahrung kommen / das sie viel ein anders fürgeben / vnd ewer Groß. vnd ihren mitgliedern vnd Stenden des heiligen Reichs einzubilden anmassent / als ob wir kein Christ / auch ons solchen gethanen erbietens nicht ernst / sondern wir schwachten allein durch diesen schein ons mit vorschub der Teutschen wieder sie zu stercken / sie als denn desto leichter zu vnterdrücken / denn wir weren ein Feindt der Christenheit / vnd hielten wenig glaubens vnd trawens / welches wir so zu herzen vnd gemüt geführt / das wenn wir nicht sonderlich gemeiner Christenheit zu guten / ihr hierin vorschonen / vnd sie ewer Groß. freundlichts willens gegen ons genießen ließen / wir ihnen keines weges nachgeben / sondern sie als bald mit bewerter hand straffen / vnd ons an inen rechen wolten. Denn ons an allen solchen vnglimplichen zulagen ganz vngütlich beschicht. Vnd wil dennoch die hohe notturfft erheissen / das wir ons gegen ewer Groß. vnd ganzer Teutscher Nation / in so wichtigen sachen / so zeitlichs vnd ewigs belangend / vnser Christlichen wolmeinens vnd zuneigung / dieses orts mit gnugsamen statlichen grundt erklere vnd entschuldigen. Ewer Groß. tragen selbst waren wissens / das wir vnd vnser vnterdanen Christen sein / halten vnd erkennen ons auch in ihrem selbst schreiben / neben andern hohen Königen vnd Potentaten / von wegen allgemeiner einhelliger bekennnis des Glaubens / für einen nicht wenigsten teil der Christenheit / vnd auch nicht vnbillig. Denn wie solten wir nicht Christen / die wir doch in den namhaftigsten Articulen vnd Hauptstücken Christlichen glaubens / gleiches meinen / leren / vnd halten /
die

die wir auch in der Mess die heiligen Episteln vnd Euangelia / auch das herrliche Symbolum Nicenum / nemlich Credo in unum Deum / lesen vnd singen lassen. Das wir aber vormög der klaren einsetzung des Herrn Christi / das hochwürdig Sacrament / vnter beyder gestalt niessen / achten wir nicht / das wir omb dasselb Vnchristen zunehmen sein / dieweil doch vnsers lieben H. Eren vnd Seligmachers befehl / vnd der heiligen Apostel Exempel darinnen nachgefolget wird / vnd allenthalben im heiligen Reich / auch andern anstossenden Königreichen sich Religionen erhalten / die nicht allein in deme / sondern auch im Lauff vnd vielen andern stücken der Lateinischen Kirchen / noch ungleicher vnd widerwertiger seind / die auch nicht so ernstlich mit verärter Lateinischer Kirchen vergleichung suchen / als wir / denn wissenlich / vnd ganz offenbar ist / das vnserre Vorfahren im Reich vor 140. Jahren / das Concilium zu Constanz am Bodensee / durch weiland den hochwürdiggen Herrn Gregorium Erzbischoffen zu Rioue in Reussen / seliger gedechtnis / vnd fünff andere Bischoffen besuchen haben lassen. So seind auch darneben viel vnserer Stedt vnd Landt für sich selbst / durch ihre botschafften als da erschienen / die auch die Reformation / so man daneben zuthun im willen gehabt / wo sie für sich gangen weren / gerne zu der Lateinischen Kirchen einigkeit / eingetreten vnd kommen weren / als dis alles die acta desselben Concilij ausdrücklich bezeugen. Folgens hat auch Keyser Basilius vnser geliebter Vater erstlich mit weiland Keyser Maximiliano hochlöblicher gedechtnis / vnd darnach im 1523. Jar durch seinen Gesanten Demetrium mit Pöpstlicher heiligkeit Adriano dem sechsten / erstlich handeln / vnd zuvergleichung der Religion viel guts erbietens thun lassen / als der würdige Paulus Jominus Bischoff zu Niterin
der

der fleißige vnd warhafftig Historicus / durch ein sonderes Buch von solcher Legation geschriben / bestetigt. Was haben den vnserre hochlöbliche Vorfahren / Keyser Johan vnsfer anher / Keyser Basilius vnser Vater / beider seligster gedechtnis / vnd wir nun seither etliche vnd siebenzig Jahr von Propagation / vnd erweiterung wegen des Christlichen namens vnd glaubens geübt vnd begangen. Wie viel Barbarisch Landt vnd Völcker in Scithien / als Permiem / Basckirt / Ceremissa / Jähra / Corellen vnd Peruska / die da nicht anders / dann die Sonne / Mohn vnd Sterne angebetet haben / besritten / mit Göttlicher hülff eröbert / vnd zur heiligen Lauff vnd Christlichen glauben gebracht. Als auch die Tartarn / auff die verfluchte Mahometische Sect / vom Christlichen glauben abgefallen / seind wir gleich ihr erbfeindt worden / vnd haben ihnen nicht allein das gewaltige Land Kazansko (das 50000. streitbarer Man ins Feld zu führen vermagt) abgewonnen / vns zu geeignet / vnd zum Glauben bekert / sondern sie die Tartarn gar aus Europen getrieben / Ja auch ober das Wasser Don / so die gelerten Tanayn nennen / in Asien gezogen / vnd ihnen auch jene halb viel abgedrungen / vnd also gemelte Lender / nicht allein vns / sondern auch dem H. Eren Christo gewonnen / der vns den glücklichen Sieg dazu wider seine Feind vorliehen. So ist auch ober das ganz kundbar / mit was ernst wir bedacht sein die groben / vnd mehr den Barbarischen / so man die wilden Lappen heist / auch zu waren verstand vnd erkentnis des glaubens zumormögen. Welche leute / damit ewer Groß: ihre grobheit vnd einfalt mit verwunderung zuerkennen / haben wir hieneben etliche also wild vnd unbekleidet / wie sie auffgefangen seind / presentirn lassen. Es hat auch allenthalben in vnsern
H
fern

fern Fürstenthumben unzalbar viel Kirchen / allein in vnserm Keyserlichen Schlos zu der Muscow 16. In vnser Stadt Neugarden mehr denn tag im Jahr seind / wie das alles der geleert vnd wolerfarn Scribent Sebastianus Münsterus / der vnserer Fürstenthumb vnd Landen fleissige erkündigung gethan hat / in seiner Cosmographia bezeuget / Wiewol vnser Kirchen mit schlechten Gemeyden vnd Bildnissen geziert seind / derwegen wir auch vnsern Gesandten / vntern andern auch nach künstlichen Malern / Steinmegeren vnd Bildhawern trachten lassen / gemelte Kirchen köstlicher zuerbessern / so seint wir auch (ohne ruhm allein zu steur der lautern warheit zumelden) für vnser selbst personen der deuotion vnd andacht / das wir vns alle hochmechtige / Keyserliche geschafft / damit wir als die vielmechtigen Land (so bis in 600. Teutscher Meilen lang vnd breidt) zu regieren haben / stetigs beladen sein / vnd teglich selbst / sampt Herzog Georgen / vnsern geliebten Bruder vnd 24. Fürsten zurath sitzen / vnd dennoch nicht verhindern lassen / sondern jeden tag drey mal zur Kirchen vnd zum Gottesdienst gehen / als nemlich / Morgens zu der Mess / Abents zu der Complet / vnd zu Mitternacht in die Ketten. Das thun auch vnser Fürsten / Herrn vnd jedermenniglich / vnd was dürffts viel erzelen / kein Kind ist in allen vnsern Fürstenthumben vnd Landen so klein / es hat zu einem zeichen / das es ein Christliche / Gott ergebne / vnd durch die Lauffe newgeborne Creatur sey / die vnter das Creuz Christi gehören / ein Crucifix an der Brust hangen. Beschlichslich wolln wir von Creuz wegen / den Hoherfarnen / welchen vnser / auch vnserer Benachbarten Christen / die vns solchs zuzumessen vntersehen / Sitten / thun vnd lassen bekind sein / zu bedencken befehlen /

len / welcher teil wir oder sie ernstlicher ob Christlicher zuche vnd frömmigkeit halten / vnd die Vnchristliche Hauptlasten / als Ehebruch / Bucher vnd volsauffen / an seinen Vnterthanen straffe / oder im schwang gehen / vnd vberhand nemen lassen / welches auch seine arme Leut leidlichen oder Tyrannischer weise tractire / etc. Ferner do vns auch genante Stende des heiligen Reichs Teutscher Nation / die vertruste hülffe zuthun / vnd sonst alles anders / das wir durch vnsern Gesandten erbieten lassen / zu leisten höchster ernst / so seind wir entschlossen / solches alles nachgehender massen vnd gestalt statlich zuzuziehen. Erstlich / dieweil wir nach fleissigsten erwegen / das der fürnembsst mangel / das die sache nicht vor dieser zeit / in das Werck kommen / bisher gewesen / die grosse weite des wegs / so wir zusammen haben / also das ein teil den andern langsam antwort zusenden nach seinem willen vnd gemüt / zuerkennen geben mügen / durch welchs die sache alwegn viel Jars / bis man widerumb gelegenheit vnd botschafft zu ein andern haben konte / anstehen / vnd offft gar ersitzen müssen / da darzwischen ein Gesandter / oder vnser jedweders vorfarn einer mit todt abgang / da doch ein hoch treffenlichs / Christlichs fürnemen vor allen dingen zum höchsten bedorffte hette / das er stetigs vnd ohn vnterlas geübt / getrieben vnd sollicitirt würde / auch immer zu botschafft hin vnd widergangen were. Solchen nu hinfüran zubegegnen / haben wir angesehen ein stetten Drator vnd Ambasator an ewer Groß / oder des Römischen Königs Hofe / oder sonst im Reich / wie es nodt sein wird / zuhalten / wie andere König vnd Potentaten der Christenheit auch thun / der auch ein Teutscher im Reich erborn sey / welcher in vnser Stadt / für vnd für / solche vorhabende vereinigung vnd bündnis in Religion vnd Propphan sachen / zu entlichen vollenziehung

H ij richte

richte / abhandle vnd bringe. Dieweil denn die Stadt Augspurg in Schwaben ist für die namhaftigste Stadt im ganken Reich geachtet / da denn in wenig Jahren viel trefflicher Reichstage vnd andere grosse versamlungen gehalten worden / alda auch / wenn ein Kriegszug fargenommen / gewaltig Geld gemacht / vnd Volck bestelt wird / dahin man auch Wochenlich aus allen Landen der Christenheit newe zeitung schreibt vnd bringt. Derhalben zuverrichten viel sachen / allergelegnest ist / das der Ambasator von dannen bis an die grenze vnseres Keyserthumbs durch Liffland / Posten legen sol. Vnd nachdem wir glaublich bericht seind / das N. ein fürtrefflich Theologus / darneben auch aller Weltlichen handlung vnd sachen hochvorstendig / vnd ewer Groß. Hoffs gebrauch wol erfahren sey / so haben wir ihne (doch nicht anderst / denn auff derselben ewer Groß. vnd hochgedachts Römischen Königs bewilligung) zu solchem vnserm Rath Drator / Legaten vnd Ambassator angenommen / ihn auch mit vnserer neuen / auffgerichteten Ordens / Ritterschafft vnd Libertet begabt. Dieweil auch die edlen Herrn Zugler daselbst zu Augspurg für die reichsten vnd woluermügsten Priuat personen in aller Welt berümbt sein / wollen wir denselben Zuglern / nemlich Herrn Antonien vnd Johan Jacoben / sampt ihren mitvorwanten Gebrüdern vnd Bettern Herrn zu Kirchbergk vnd Weiffenhorn die zuor versprochen 750000. Taler / die wir zu des heiligen Reichs hülf wider den Türcken bewilligt / an ewer Groß. Niderburgundisch / gewerb Stadt Andorff / zu ihren selbst henden / oder ihren Factorn vnd Dienern / die solchs iderzeit zuentpfahen macht vnd befehl zeigen werden / durch werel lifern vnd an barem Geld erlegen / doch das dagegen / wie auch billig / durch

durch die vorgeante Herrn Zugler / als heuptschuldner / vnd darin die Stend des Reichs / im fal / wo vns etwas an ihnen abginge / als denn an ihnen selbst zuerholen / vnd leghlich ewer Groß. vnd den Römischen König / auch das löbliche Kammergericht vmb execution / wo es den wegemithalten der widerbezahlung erreicht / gegen ihren liegenden / farenden Haben vnd Gütern / im heiligen Reich / auch iren eignen Königreichen / Fürstenthumben vnd Landen / statck zuuorschaffen vnd zugestatten / ein verschreibung bester form / wie des genande vnser Ambasator ein Copey von vnserer wegen vbergeben wird / verfertigt vnd auffgericht / auch ihme vnserm Ambasator zugeselet werde. Vnd so wir also vorsichert sein / wollen wir dem Reich Teutscher Nation zu gutem auff 20. ganger Jahre solche obgestimpte summa der 750000. Taler mit folgenden Conditionen fürstrecken / nemlich / das solchs Geld alles bey den gedachten Herrn Zuglern liegend bleibe / vnd sie dasselb nach ihrer gelegenheit vnd gefallen zu ihrem nutz anwenden vnd gebrauchen / doch Jehrlich die gebürend vorzinsung von jedem hundert fünff Gilden / darvon vnserm Ambasatorn antworten sollen / das so bald ers eingenommen / den Stadtpflegern / Bürgermeistern / vnd Rath geben / so ewer Groß. in der Stadt Augspurg verordnet zuuorwarn zusteln / vnd auff das Rathaus lifern / vnd jedes Jahr insonderheit / vnter der Stad Insigel ein bekentnis nemen sol / das also gedachter Rath von ihme dem Ambassator solche vorzinsung entpfangen / in guter verwarung behalten / vnd niemand ohne vnserer weitere verordnung vnd befehl heraus geben wolle / bis ein gemeiner Zugl Teutscher Nation / wider den Türcken geschehe / dardurch also ein mercklicher vorrath gesamlet / der Jehrlich vmb

300. M. vnd 57. M. Taler von verzinsung der Heuptsumma
gemehret würde / vnd solche Heuptsumma sol kein teil / we-
der wir oder die Fugker / vor volliger verscheinung der 20.
Jahren / dem andern abkünden / noch aussagen / es sey
denn das vber kurz oder lang in den besimpten 20. Jahren
das Römisch Reich einhelliglich alle seine macht angreiffe /
vnd einen gewaltigen grossen beharlichen Krieg wider den
Türcken farnemen würde / im selbigen fal sol das Reich vn-
sern Ambassatorn der sich (wo er nicht mit befehl an Key-
serlichen oder Römischen Königlich Höfen von vnserer we-
gen sein müste) zu N. halten wird / solchs ein ganz Jahr
zuuor (dessen man denn wol mit vorbereitung vnd zurü-
stung eines gewaltigen Zugs bedarff) anzeigen / der sol dar-
auff von vnserer wegen den Herrn Fugkern die ganze heupt-
summa abkünden / welche sie die Fugker zu endung vnd aus-
gang eines Jahrs zum halben teil / vnd im nechstfolgenden
halben Jahr den vbrigen Rest / das ist / den andern vnd
letzten teil den verordneten des Reichs Pfennigmeistern er-
legen / vnd damit auch mitler zeit der Jahrs frist / bis die
erste halbe Heuptsumma bey den Fugkern vorfallen würde /
das Reich mit Gelds hülf nicht geseumet werde / so sol
vnser Ambassator alle die barschafft / so solcher zeit hinter
den Stadtpflegern vnd Rath zu Augspurg versamlet / vor
handen sein wird / gegen gebürlicher quitans von vnserer
wegen erheben / vnd so bald menniglich anzogen / vnd bey
einander im Felde ist / obuermelten des Reichs Pfennig-
meistern auch vberantworten vnd zustellen / So denn die
20. Jahr vorwalken / begeren wir allein vnserer dargeligene
Heuptsumma von den Fugkern zuentpfahen / auff welchen
weg es dem Reich am nützlichsten / denn so gar kein statli-
cher Krieg in zeit der 20. Jahren geführt würde / kan das
Reich

Reich mit dem auffgehebeten zinsgeld ihme selbst vnser
Heuptsumma gar eignen / So es aber angegriffen vnd
vorkriegt / würde ohne zweiffel mit Gotts hülf so viel Land
vnd Leut damit gewonnen / das es abermals mit nuz mag
entricht werden. Vber das seind wir auch vor des gnedi-
gen erbietens gewesen / vnd noch / wenn also ein gemeiner
starker Zug vnd beharlicher Krieg / durch das ganze Reich
Teutscher Nation fürgenommen würdt / oder das ewer
Groß. geliebter Brüder der Römisch König ohne das
Reich mit der Kron Hungern vnd Behem / vnd seinen erb-
lenden / ein wehrhaften Krieg wider den Türcken führen /
vnd selbst eigener person oder seiner durchleuchtigkeit gelieb-
ter Sohn einer zu Feld ziehen wil / vnd wir dessen durch
vnsern Ambassatorn Posten ermanet vnd berichtet werden /
das wir 30. M. Moscowiterische Reuter oder ringe Pferd
aufferst / so immer gesein mag / in Ungern oder in ein an-
ders Land / dahin der Zugt gehen / vnd auff die Malstad /
die vns benennet wird / schicken / vnd 5. ganzer Jahrlang
auff vnsern eignen kosten erhalten. Doch woln wir vber
solche Reifige selbst vnsern obersten Ritmeister / vnd andere
befehlsleut / auch einen general Obersten aus vnsern Für-
sten / wie vnser gebrauch ist / setzen vnd verordnen / vnd doch
damit sich niemandt jergend zubeschweren habe / mit dem
geding / das gedachte vnserer obersten Ritmeister vnd Be-
fehlsleut alle sampt dem general Obersten selbst / das ist
Römischen König oder heiligen Reichs obersten Feldherrn /
gehorsam vnd vnterthan / auch derselben befehl / vnd ge-
boten vnd verbotten nachkommen vnd geleben sollen.
Vnd was denn die gemelte vnserer 30. M. Pferd oder andere
mit ihrer hülf an Lendern / Stedten / Schloßern oder
Strecken eröbern werden / darvon begeren wir vns keins
fufsbreit

fussbreit Erdreichs einzunehmen / noch einzuräumen / sondern nur den auffgegangenen Kriegskosten (der doch lange nicht so viel als bey Teutschen Kriegsleuten vnd Reutern anlauffen würd) in etlichen viel Jahren / darin es dem Römischen König oder Reich ganz leidenlich sein mag / darzu vnserm Christlichen gebrauch nach / allein die Hauptsumma / ohne einige verzinsung / widerumb zuerlegen. So man aber (da Gott der Herr mit gnaden vor sein / vnd vnser Christliche Vnterthanen behüten wolle) ernieder liegen / vnd des Kriegs vntlustig werden solt / woln wir als den alle Kriegskosten / der vber vnser 30. M. Pferd vnd Reuter gangen / selbst tragen vnd gedulden / so es sich aber glücklich anlassen / vnd mit vnserm dargestreckten Geld vnd Volck's frucht geschafft würdt / werden wir mit der zeit verursache / dem Römischen König oder Reich fürhin mit einer noch viel mehrern macht durch vns selbst zuziehen / oder Herzog Georgen vnsern Bruder an vnser stadt zuschicken / oder aber mit rath vnd hülffe der Teutschen den Türcken von vnsern Landen aus / auff Constantinopel zu bekriegen. Wo auch ewer Groß. etwan auff dem Meer den Türcken oder andern vngleubigen mit einer starcken Armada anzugreifen / vnd vnser hülff (dern sie doch als ein allergewaltigster Keyser nicht vielleicht bedürffen) darzu zugebrauchen gedecken / sol vns auch nicht zuwider sein / ewer Groß. gleicher gestalt ein treffenlichs anlohen / auff ein anzal Jahr ohne verzinsung zuthun / doch das ewer Groß. sich verbünde / dasselb wider keinen Christlichen König oder Potentaten auffzuwenden / vnd das sich etlich Stedt in Niederburgundischen Landen darumb vorschreibn / dann wir sein geneigt / die Pfand / so vns die Göttliche mildigkeit reichlich mitgeteilt / nicht vnterzugraben /

graben / sondern sie zu der ehre vnd glori Gottes möglich / vnd zum ewigen Bucher anzulegen.

Das wir aber zum Reich Teutscher Nation vnd desselben Haupter so gnedigen willen / Affection / gunst vnd neigung tragen / vnd vns zu ihrer hülff erbieten für andere Nation der Christenheit / beschicht aus vielen / doch fürnemlich nachfolgend vrsachen / das wir sampt den Teutschen eines vrsprungs vnd herkommens sein / auch in Scythien vnd Sarmatien / die Lender in haben vnd besitzen / do vor alten zeiten die ersten Eltern / der Teutschen Völcker ihren sitz vnd wonung gehabt. Derhalben noch heutigs tags viel vnserer alter Stedt / Schlöffer / Wasser / Berge vnd Hölder teutsche namen haben / wie das vnser Legat ewer Groß. vnd die Stende des Reichs auff vnsern ihm zugesantten bericht / gnugsam verstendigen sol / vnd das sie die Teutschen auch vnser liebe Nachburen sein. Derhalben wir mehr kundtschafft / hantierung vnd vortrawen zu ihnen denn zu andern haben / Vnd leglich das sie vom Tyrannischen Bluthundt dem Türcken nach verlust des Hungerlandts ist für andern Nationen der Christenheit mit Krieg angefochten werden / vnd ist solche liebe zu den Teutschen bey vns / das ihre redligkeit vnd trew für andern Nationen gerümbt wurde / haben wir ewer Groß. vmb gelerete personen vnd künstler aus dem Reich anlangen lassen / die wir doch sonst wol aus Italien oder Franckreich (do man auch mit kunstreichen vnd geschickten Leuten verfaßt ist) vnd ohne obgerürte hülff leistung wissen zubekommen. Dieweil aber ewer Groß. vns so freundlich zugeschrieben / vnd der begereten personen haben wilfarig erbotten / vnd wir in dieselben Keyserlichen wort / vnzweiffenlichen festen glauben setzen / so verlassen wir vns nachmaln genslich darauff / ewer Groß.

Groß. werde statliche fürsichung thun / das vns dieselben zukommen. Vnd so man vorzeiten/weil das Egyptisch vnd Sirtisch Reich noch in wurden vnd wesen gestand/dem großen Soldan zu Alkair / der nu mehr durch den Türcken abgetilgt / allein darumb / das er freunde der Christen gewesen / vnd die Bilgeram so zum heiligen Land gegen Jerusalem gewandelt / sicher durch ziehen vnd beileiten lassen / Leut zu ziehen / auch Büren / Wehre / vnd Harnisch bringen / vnd dem Sophoi in Persien / von wegen das er auch der Türcken Feind / vnd der Asiatischen Christen / Armeiner / Jacobiter vnd Georgianer beschirmer ist / auch offtmal in waffen vnd gewehre zukommen lassen / wie viel billicher thut man den vns als ein wissenschaftlichen Christlichen Keyser / mit Leuten / Kriegsrüstung / vnd andern fürschub / do es gemeiner Christenheit viel höher erschießen mag. Nun begeren wir aber nicht ein vnmaß noch vberflus Kriegsuoelck / sondern jet nicht mehr denn ein Regiment von 10. Tausend Knechten / vnd Reifigs zeugs 500. Pferd / denn das Reich wol ohne schaden zu entberen hat / vnd haben / dennoch dieweil wir eines betagten wolerfarnen Hauptmans anfänglich wol bedorffen / vnd vns keines abschlags versehen / zu vnserm Teutschen Obersten (doch auff ewer Groß. vnd derselben geliebten Bruders des Römischen Königs zulassen vnd erlauben) den N. angenommen / ihm auch darzu mit vnserm newen ordens Ritterschafft wie vorgeant vnserm Ambassator begabt / vnd mit befehl / Geld vnd aller andern notturfft / ehe gerürte anzahl Knecht vnd Pferd in vnser bestellung auffzunemen / vnd vns zu zuführen versehen / mit freundlichen ansinnen / ewer Groß. vnd das Römische Reich wol in ordnung geben / das ihm an solchem keine ver hinderung (wie vor vnserm Gesanten beschehen)

wider-

widerfahre. Vnd wie viel aus allem dem / so hietvor bemelt ist / sich vnwidersprechlich schleust / vnd vnser vorunglimpf fer allergewaltigst Conuincirt / das wir kein Feind der Christenheit seind (denn wir sonst nicht dermassen Leib vnd Gut zu den Christen setzen / sondern wo ihr vngegründ fürgeben war sein solt / so wurden wir vnser hülf von ihnen ziehen / vnd ihnen widerwertigen beystand thun) wollen wir doch noch vber solchs / damit ewer Groß. auch die Stende des heiligen Reichs / vnd allermenniglich greifflich abzunehmen vnd zuerkennen haben / das wir nichts denn heilsame fried / bündnis / vnd einigkeit / in Geistlichen vnd Prophan sachen vor vns haben vnd suchen / hiemit vns gnediglich angeboten vnd protestirt haben mit allem vnd jeden vnsern benachbarten / mit Christen der Kron Polen / Schweden / auch Liffland / Littau / Finland / niemand der es begeren würd ausgeschlossen / einen steten immerwährenden / ewigen frieden zutreffen / auffzurichten / auch denselben vnter die Kreuzrüftung fest vnd vnuerbrüchlich zuhalten / vnd zu noch mehrer sicherheit vnd vorgewissung / auff das alles misstrawen / zweifel / argwon vnd vordacht / so etlich vnnotiger vnd ganz vnuerursachter weis gegen vns tragen möchten / gentslich auffgehoben / ab dem wege gethan / vnd ein rechtgeschaffenes vertrauen auff vns gesetzt werde / wollen wir sampt diesen allen / bis in 25. Junger Herrn vnserer Fürsten / vnd grosser Herrn Söhne / hinaus in das Reich schicken / vnd daselbst als geiseln des frieds / vnd das wir also die begerten Leute wider keinen Christen / sonderu zu illustirung vnd beschirmung vnserer Land vnd abbruch des Christlichen Erbfeindes gebrauchen wollen / entweders an ewer Groß. oder des Römischen Königs Hoff / oder in der Stadt N. liegen vnd sich enthalten lassen.

J ij

lassen. Dieweil auch verschieder zeit die hochlöblichstem
Römischen Keyser Teutscher Nation zu den Griechischen
Keysern in Orient / durch beheurung freundschaft ges
sucht / als Keyser Otto aus Sachsen der drit / des namens
Theophaniam. weiland Michaels Keyser zu Constantino
pel Tochter zum Gemahl gehabt / vnd darnach Keyser
Philips aus Schwaben Frauen Veronicam des Griechi
schen Keyfers Isaaci Commoi Tochter zu einem Gemahl
genommen / vnd in der Stad Augspurg (da ewer Groß.
schreiben ausgegangen) Hochzeit gehalten / vnd dann auch
zunor vnd hernach die Römischen Keyser / auch die Herz
ogen aus der Muscow beheurat / als sonderlich Keyser Fri
derichs ewer Groß. vranherrn Vater Frauen Zimburga
Herzogs Simoniti aus der Muscow Tochter gehabt / wel
ches Orientischen oder Constantinopolischen Keyser auch
Muscouischen Fürsten. doch eben. des Griechischen glau
bens gewesen / dessen wir noch zur zeit sein. So fern denn
ewer Groß. den Römischen König oder Churfürsten vnd
Fürsten des Reichs solchs gegen vns vnd vnsern Fürsten
auch geliebt / wollen wir auch derselbe Exempel gerne hiezu
nachfolgen / vnd mit ehrlicher verbindung / freundschaft /
einigkeit vnd vertrauen zwischen vns vnd dem Reich vor
mehren / vnd also nichts das immer zubefriedung / auffne
mung vnd errettung gemeiner Christenheit / vnd dagegen
zu abbruch vnd verdrückung der Feind Christi dienstlich
vnd fürdersam sein mag / bey vns noch dem vnsern erwin
den lassen / wie wir das als Christen gegen einander zueh
schuldig sein / aber bisher der grosse mangel gewest ist / das
man einander wenig solche Brüderliche liebe vnd trew er
zeigt. Denn so man auff den grund vnd vrsprung sehen
wil / wodurch die Christenheit in so gros schmeltung vnd
abfal

abfal kommen / sind sich / das dessen die zertrennung der
Kirchen ein Hauptursach gewesen / vnd das dardurch mis
hellung vnd zwitracht der Religion die Christen auch euser
lich einander abholt vnd vngewegen worden / demnach
nimmer zusammen gesetzt / noch einander hälff gethan / vnd
also die vnglaubigen sie vnterdrückt vnd vertilgt haben /
Dessen das Keyserthumb Constantinopel mit seinem kleg
lichen verderben vnd vntergang ein hoch Exempel ist / wel
ches sal wir dem Römischen Reich zu heilsamer erinnerung
etwas höhers zuerhalten vnd fürzubilden / aus freundli
cher zuneignung nicht vnterlassen können. Es hat sich be
geben / wie 3. fürtreffentliche Principal sprachen / vnter
den andern allen sein / nemlich die Hebreisch / Griechisch
vnd Lateinisch / aus denen auch die andern / als von den
Mütern die Tochter / oder ausquellenden Brunnen die
Beche entsprungen / vnd gestossen / das der Christliche
glaube (der doch als der vngeneet Rock des H. Eren ganz
vnzertrent bleiben sol) meerteils von vngleichheit / wegen der
Ceremonien die in Asiatischen / Orientischen vnd Deci
dentischen Landen nach gelegenheit vorenderlich gehalten
vnd gebraucht / auch in so viel Kirchen von einander gesun
dert vnd zerteilt worden / das die Hebreisch oder Sirisch /
deren die Armenier / Jacobiten vnd Georgianer zu gewan
ten zu einer besondern Kirchen in Asien / desgleichen die
Griechisch zu den die Kreussisch gehöret / zu einer eignen
in Orient / vnd die Lateinisch / deren das Römisch Reich
Teutscher Nation sampt andern Landen vnterworffen /
auch in einer sonderbaren Kirchen in Decident geraten /
das den allen vnfall in der Christenheit eingefürt / denn dar
durch erfolget / das die Kirchen von einander hälfflos ge
setzt / zu scheitern gangen sind. Also ist von der Hebr

ischen Kirchen das heilig Land ganz Sirien / Egypten /
Alexandria vnd Antiochia verlorn / das nur nach Arme-
nien / sampt den Jacobiten vnd Georgianern verhanden /
Vnd als demnach der Türck die Griechische Kirchen mit
grosser macht angegriffen / vnd Constantinopel den Key-
serlichen sit / zu Wasser vnd Land beleget / vnd der letz-
Keyser daselbst Constantius Paleologus Papst Eugeni-
um den vierden / auch den Römischen Keyser weiland Fri-
dericum den dritten ewer Groß. vranheren omb hülff ers-
ucht vnd angeruffen / da man statlich vnd wol ihme zu ret-
ten vnd zu entschütten / wege gehabt hette / hat ihnen der
Papst in seiner eusersten noth die mishelligkeit der Kirchen
fürgeworffen / vnd verwiesen / ihme alle hülffe versaget /
vnd vorzogen / auch hochgedachter Keyser Friderich vnd
andere Christliche Könige vnd Potentaten dauon abgehal-
ten / vnd ihne also sampt dem Keyserthumb entlich unter-
gehen lassen / das von der allerweissen Griechischen Kir-
chen noch wir vnd vnser Römisch Reich vbrig sein. Nun
hat solche lassigkeit nicht allein den jennigen Kirchen / die
also verlassen worden / nachteil vnd verderben gebracht /
sondern auch geursacht / das solche verderbung gleich wie
ein schedliche / omb sich greiffende Brunst / die man nicht
lest an die andere Kirchen auch kommen / vnd ihnen vnwi-
derbringliche verletzung zugefügt / welche sonst verhüt vnd
vermitteln blieben were. Denn so man der Griechischen
Kirchen hülff vnd beystaud gethan / hett der Türck so weit
nicht einreissen können / das er jzt der Lateinischen Kirch-
en ihre unterworffene Königreich vnd Land auch abtränge /
wie er an der herrlichen Kron Hungern vnd andern gethan.
Dieweil denn zu widerauffbawung vnd mehrung gemei-
ner Christenheit nichts fürreglichers noch erschliesslichers
denn

den der gemelten Kirchen einigkeit auch zu statlichen wider-
stand solchs gewaltigen Feinds des Türckens / in ansehung
seiner unsaglichen macht / nichts höhers von nöten / denn
das sich die stück vnd glieder der also zerstraweten Kirchen
einhelliglich zusamen thun vnd halten / vnd ein teil dem an-
dern dis fals mit Christlicher gedult mitleidentlich nach se-
he / bis durch ein Gottselig general Concilium ein noth-
wendige gemeine Reformation allermenniglich beschehen
möge. Denn so man die gründtlich warheit bekennen wil /
kan man nicht leugnen / das sie in den Kirchen zu allen tei-
len nicht wenig misbreuch zugetragen haben / welches doch
in primitiua Ecclesia nicht gewesen / vnd derhalben billich
zu bessern sein. Wir wolln auch so bald wir in vereinigung
der Religion mit dem Reich kommen / bey den Armeniern
vnd iren zugethanen / die gros hantierung vnd Rauffmans
gewerbe in vnsern Landen treibē / auch in guter anzahl darin-
nen wohnhafft sein / mit gnedigen vnd ernstlichen befehl
handeln / vnd sie zu einigkeit der Lateinischen Kirchen zu-
bringen / anhalten vnd ermanen lassen / der gnedigen zu-
uersicht / sie werden sich nicht allein vnser gute erinnerung /
sonder auch vnser Exempel darin bewegen lassen / vns löb-
lich nachzumolgen / vnd auch in Christliche vergleichung
sich zubegeben. Dazwischen aber von dieser zeit bis auff
ein frey General oder National Concilium / wolln wir
nicht desto weniger hievor erbotner weis der Teutschen
Nation gnediger Keyser vnd getrewer helffer sein / vnd vns
allerding gegen ihnen vorhalten / wie vngesefhrlich des
jüngst verschienen 55. Jahrs ein löblicher abscheid zu
Auspurgk beyder Religion im Reich der Catholischen vnd
Auspurgischen Confession verwante halben auffgericht ist /
Nemlich / das jederteil dem andern / bis Gott der Herr
ein

ein einhellige vergleichung verleyet / vnuerachtet der andern Religion / alle freundschaft / liebe / hülff / trew vnd gutes erzeigen sol / welches sie vnsern gnedigsten vorsehen nach / hinwiderumb gegen vns auch thun werden. Vnd wo solchs lengst bey vnsern Voreltern zeit fürgenommen / das die Christen gemüter (vnangesehn vngleicher Religion) so ernstlich zusammen gericht / als sie voneinander gezogen vnd getrent worden / würde ohne zweiffel gemeiner Christenheit wesen ist in bessern Stand sein. Diweil aber vorgangne sachen nicht wider zubringen / vnd doch besser ist / das ein ding spat / denn gar nicht geholffen werde. Wenn doch nachmaln die zwey mechtige Reich / das Teutsche (so bisher sein gewaltige macht vnd Ritterliche stercke wider alle Völcker erzeigt hat) vnd vnser Russisch mit rechtem eiffer / ernst / vnd trewen zusammen setzen würden / (das denn an allen vnsern Vntherthanen vnd Landen / vber die wir ganz volkommentlich Herr vnd absolute gewaltig sein / nicht mangeln sol) sein wir vnzweiffentlicher zuuersicht / es sol vnd werde der gemeine Erbfeind der Christenheit vnd Tyrannisch Bluthundt der Türck in viel mindern Jahren gedemütigt / geschwecht vnd erniedert. Denn er durch mishellung vnd farlesigkeit vnserer Vorfarn / die Christlichen Potentaten bisher auffgewachsen vnd zugenommen / denn wir schon einen starcken Fuß in Asien / wie er der Türck anfenglich in Europaen / gesetzt / vnd tragen grosse begierde ihne mit ewrem beystand vnd zuthun (doch auff vnsern eignen Kriegs kosten) auff Constantinopel heim zusuchen / dahin wir denn nicht weit haben / auch / Gott lob / der macht feind / das wir ihne mit so viel hundert tausent starck / als er wider vns zuführen hat / oberziehen können / der Hoffnung / als dann das obgedacht der
Christ

Christenheit abgedrungen Keyserthumb / sampt andern zugehörigen Königreichen vnd Landen / widerumb einzuleiben. Das alles wie erzelt / haben wir dem Teutschen Reich / vnd gemeiner Christenheit zu wolffart vnd widerauffnehmung gnediglich vnd im besten angesehen vnd zu thun entschlossen. Gereden vnd versprechen auch bey vnsern Keyserlichen wurden / in wort der Warheit vnd bey der Creusküssung solchs stet / fest vnd vnuerbruchlich zuhalten / vnd darwider nicht zuthun / gestatten in keinerley wege. Wir schicken auch hiemit zu ewer Groß. zwey vnserer Fürsten benantlich die hochgeborenen N. zu N. vnd N. zu N. die sollen vnsern obgemelten Ambassator dis alles helffen volenziehen / denen haben wir durch vnser Keyserlich Secret Insigel zuhanden gestellt / damit in vnsern namen vnd von vnser wegen zu besieglen vnd zubekreffügen wie oblaute. Bey welchen vnsern Fürsten wir auch ewer Groß. etliche Keyserliche Vogel / vnd frembde weisse Adler / auch etliche Pferd aus Circassen (so auch ein Christenland ist / hinter vnserm Keyserthumb gelegen / vnd dann etlich zimmer Zobel / vnd anders zu senden / so sie presentirn werden / mit freundlichen ansinnen / ewer Groß. wollen sich geneigten Brüderlichen willens nicht weniger / dann sich dieselbige erbotten / zu vns auch versehen. Leglich das wir dis gegenwertig schreiben mit einer mehrern lenge eingefürt / denn sich villsicht in antwort gegen ewer Groß. auch derselben geliebten Bruder dem Römischen König / vnd allen Stenden des Reichs gebüret / ist vnser freuntliche vnd gnedige zuneigung / die wir ihnen nicht gewußt zuuorhalten.

Das

Das es aber nicht in so zierlichem Stilo / wie
im Reich gebreuchlich verfast / ist ursach / das wir noch
zur zeit / bis wir durch ewer befurderung ein statliche
Teutsche Cansley anrichten / hochgelerte Leut im
mangel seindt. Thun hiemit ons ewer Gross-
michtigkeit / als vnsern allergeliebsten
grossen Bruder zu aller liebe vnd
freundschaftt erbieten.

Geben in vn-
ser/ete.



Q. 116

Z

Hist. Ruiss.

a. Imper. gener.

50.

